

ЎЗБЕКИСТОН РЕСПУБЛИКАСИ
ҚОНУНЧИЛИК
ТЎПЛАМИ

40-41-сон
(1112-1113)
2023 йил
октябрь

Ўзбекистон Республикаси қонунчилик тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Биринчи бўлим

417. «Ўзбекистон Республикасининг айрим қонун ҳужжатларига соғлиқни сақлаш органлари фаолияти ҳақида жамоатчиликнинг хабардорлигини оширишга қаратилган ўзгартишлар ва қўшимча киритиш тўғрисида» Ўзбекистон Республикасининг 2023 йил 4 октябрдаги ЎРҚ–870-сон Қонуни

Иккинчи бўлим

418. «Саноат ва унинг базавий тармоқларини жадал ривожлантириш бўйича қўшимча чора-тадбирлар тўғрисида» Ўзбекистон Республикаси Президентининг 2023 йил 12 октябрдаги ПФ–169-сон Фармони

419. «Ўзбекистон Республикаси темир йўл транспорти соҳасини тубдан ислоҳ қилиш чора-тадбирлари тўғрисида» Ўзбекистон Республикаси Президентининг 2023 йил 10 октябрдаги ПҚ–329-сон қарори

420. «Йўл хўжалиги соҳасини янада такомиллаштириш чора-тадбирлари тўғрисида» Ўзбекистон Республикаси Президентининг 2023 йил 10 октябрдаги ПҚ–330-сон қарори
421. «Чарм-пойабзал ва мўйначилик соҳаларида ислохотларни янада жадаллаштириш ва соҳанинг экспорт салоҳиятини ошириш чора-тадбирлари тўғрисида» Ўзбекистон Республикаси Президентининг 2023 йил 11 октябрдаги ПҚ–331-сон қарори

Бешинчи бўлим

422. O‘zbekiston Respublikasi Transport vazirligining 2023-yil 6-sentabrdagi 23-son va Raqamli texnologiyalar vazirligining 2023-yil 5-sentabrdagi 255-mh-son “Temir yo‘llarda pochmani tashish va pochta vagonlaridan foydalanish qoidalarini tasdiqlash to‘g‘risida”gi qarori (*O‘zbekiston Respublikasi Adliya vazirligi tomonidan 2023-yil 3-oktabr ro‘yxatdan o‘tkazildi, ro‘yxat raqami 3462*)
423. O‘zbekiston Respublikasi transport vazirining 2023-yil 27-sentabrdagi 25-son “O‘zbekiston Respublikasi ichki kema yo‘llarida suzish qoidalarini o‘z kuchini yo‘qotgan deb topish haqida”gi buyrug‘i (*O‘zbekiston Respublikasi Adliya vazirligi tomonidan 2023-yil 9-oktabr ro‘yxatdan o‘tkazildi, ro‘yxat raqami 769-1*)
424. Ўзбекистон Республикаси Соғлиқни сақлаш вазирлигининг 2023 йил 21 сентябрдаги 36-сон ва Камбағалликни қисқартириш ва бандлик вазирлигининг 2023 йил 7 сентябрдаги 72/2023қ/қ-сон “16 ёшгача бўлган болаларни ногирон деб топиш ҳақида тиббий хулоса бериш тартиби тўғрисидаги низомни тасдиқлаш ҳақида”ги қарорни ўз кучини йўқотган деб топиш тўғрисида”ги қарори (*Ўзбекистон Республикаси Адлия вазирлиги томонидан 2023 йил 9 октябрда рўйхатдан ўтказилди, рўйхат рақами 2005-1*)
425. Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2023 йил 20 сентябрдаги 11/05-05/01-сон “Табиий монополия субъектларининг давлат реестрини тузиш ва юритиш тартиби тўғрисидаги низомнинг 5-бандини ўз кучини йўқотган деб топиш ҳақида”ги қарори (*Ўзбекистон Республикаси Адлия вазирлиги томонидан 2023 йил 9 октябрда рўйхатдан ўтказилди, рўйхат рақами 2147-4*)
426. Ўзбекистон Республикаси Мактабгача ва мактаб таълими вазирлигининг 2023 йил 23 сентябрдаги 5-мҳ-сон ва Соғлиқни сақлаш вазирлигининг 2023 йил 22 сентябрдаги 37-сон “Болалар соғломлаштириш оромгоҳлари тўғрисидаги низомни тасдиқлаш ҳақида”ги қарор, шунингдек, унга ўзгартиришларни ўз кучини йўқотган деб топиш тўғрисида”ги қарори (*Ўзбекистон Республикаси Адлия вазирлиги томонидан 2023 йил 9 октябрда рўйхатдан ўтказилди, рўйхат рақами 2872-2*)

427. O‘zbekiston Respublikasi oliy ta‘lim, fan va innovatsiyalar vazirining 2023-yil 14-sentabrdagi 413-son “Akademik litseylar yo‘nalishlari va bloklariga qarab bir pedagog xodimga to‘g‘ri keladigan o‘quvchilar soni nisbatining normativlarini tasdiqlash to‘g‘risida”gi buyrug‘i (*O‘zbekiston Respublikasi Adliya vazirligi tomonidan 2023-yil 9-oktabr ro‘yxatdan o‘tkazildi, ro‘yxat raqami 3463*)
428. O‘zbekiston Respublikasi Davlat aktivlarini boshqarish agentligi direktorining 2023-yil 5-oktabrdagi 01/13-13-12/833-son “O‘zbekiston Respublikasi Davlat aktivlarini boshqarish agentligi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomni tasdiqlash haqida”gi qaror, shuningdek unga o‘zgartirish va qo‘shimchalarni o‘z kuchini yo‘qotgan deb topish to‘g‘risida”gi buyrug‘i (*O‘zbekiston Respublikasi Adliya vazirligi tomonidan 2023-yil 12-oktabr ro‘yxatdan o‘tkazildi, ro‘yxat raqami 2152-6*)
429. Ўзбекистон Республикаси Иқтисодиёт ва молия вазирлигининг 2023 йил 7 октябрдаги 77-сон, Инвестициялар, саноат ва савдо вазирлигининг 2023 йил 6 октябрдаги 2023/40-9-сон, Қишлоқ хўжалиги вазирлигининг 2023 йил 5 октябрдаги 01/23-05/5087-сон “Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартиби тўғрисидаги низомга ўзгартиришлар киритиш ҳақида”ги қарори (*Ўзбекистон Республикаси Адлия вазирлиги томонидан 2023 йил 12 октябрда рўйхатдан ўтказилди, рўйхат рақами 3212-1*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисидаги маълумот

БИРИНЧИ БЎЛИМ**ЎЗБЕКИСТОН РЕСПУБЛИКАСИНИНГ ҚОНУНИ****417 Ўзбекистон Республикасининг айрим қонун ҳужжатларига соғлиқни сақлаш органлари фаолияти ҳақида жамоатчиликнинг хабардорлигини оширишга қаратилган ўзгартишлар ва қўшимча киритиш тўғрисида***

Қонунчилик палатаси томонидан 2023 йил
14 февралда қабул қилинган

Сенат томонидан 2023 йил 24 августда
маъқулланган

Мамлакатимизда соғлиқни сақлаш соҳасини ислоҳ қилиш доирасида аҳолига сифатли тиббий хизмат кўрсатишнинг замонавий тизимини шакллантириш борасида талай ишлар амалга оширилмоқда.

Шу билан бирга соғлиқни сақлаш соҳасидаги ислохотларнинг натижалари, соғлиқни сақлашни бошқариш ҳудудий органларининг, бирламчи тиббий санитария ёрдами муассасаларининг фаолияти тўғрисида жамоатчиликнинг хабардорлигини ошириш, шунингдек мазкур органлар ва муассасалар фаолиятининг очиқлигини таъминлаш зарурати юзага келмоқда.

Шу туфайли мазкур Қонун билан «Маҳаллий давлат ҳокимияти тўғрисида»ги Ўзбекистон Республикаси Қонунига халқ депутатлари маҳаллий Кенгашлари томонидан ярим йиллик яқунлари бўйича тегишинча соғлиқни сақлашни бошқариш ҳудудий органлари, туман (шаҳар) тиббиёт бирлашмалари раҳбарларининг соғлиқни сақлашни ривожлантиришга оид давлат дастурларининг бажарилиши, касалликлар профилактикасининг ҳолати, соғлом турмуш тарзини ва тўғри овқатланишни шакллантириш, шунингдек соғлиқни сақлашнинг асосий кўрсаткичлари тўғрисидаги ҳисоботларини эшитишни назарда тутувчи қўшимча киритилмоқда.

Бундан ташқари «Фуқароларнинг ўзини ўзи бошқариш органлари тўғрисида»ги Ўзбекистон Республикаси Қонунига фуқаролар йиғинлари томонидан тегишинча аҳоли бириктирилган туман (шаҳар) кўп тармоқли марказий поликлиникалари, оилавий поликлиникалар ва оилавий шифокор пунктлари раҳбарларининг соғлиқни сақлашнинг ҳолати ҳамда фуқаролар соғлиғига таъсир этувчи омиллар, шу жумладан тегишли ҳудуднинг санитария-эпидемиологик осойишталиги тўғрисидаги ахборотини эшитишни назарда тутувчи ўзгартиш киритилмоқда.

Ушбу Қонун соғлиқни сақлаш органлари фаолиятининг очиқлигини таъ-

* Ушбу Қонун «Қонунчилик маълумотлари миллий базаси»да 2023 йил 6 октябрда эълон қилинган.

минлашга, шунингдек тиббий хизмат кўрсатишнинг ҳолати тўғрисида аҳолининг хабардорлигини янада оширишга хизмат қилади.

1-модда. Ўзбекистон Республикасининг 1993 йил 2 сентябрда қабул қилинган «**Маҳаллий давлат ҳокимияти тўғрисида**»ги 913–XII-сонли Қонунига (Ўзбекистон Республикаси Олий Кенгашининг Ахборотномаси, 1993 йил, № 9, 320-модда; Ўзбекистон Республикаси Олий Мажлисининг Ахборотномаси, 1997 йил, № 9, 241-модда; 1999 йил, № 1, 20-модда; 2005 йил, № 1, 18-модда; Ўзбекистон Республикаси Олий Мажлиси палаталарининг Ахборотномаси, 2005 йил, № 12, 418-модда; 2007 йил, № 4, 163-модда, № 9, 420-модда; 2008 йил, № 12, 640-модда; 2013 йил, № 12, 350-модда; 2014 йил, № 4, 86-модда, № 5, 130-модда; 2015 йил, № 6, 228-модда; 2017 йил, № 6, 300-модда, № 8, 383-модда, № 9, 510-модда, № 12, 772-модда; 2018 йил, № 7, 431-модда; 2019 йил, № 1, 1-модда, № 11, 792-модда, № 12, 891-модда; 2020 йил, № 9, 537-модда; 2021 йил, № 1, 3, 7, 13-моддалар, 4-сонга илова, № 8, 800-модда, № 12, 1198-модда; 2022 йил, № 3, 213-модда, № 6, 570, 577-моддалар, № 10, 984-модда; 2023 йил, № 1, 2-модда) қуйидаги ўзгартиш ва қўшимча киритилсин:

1) **24-модда биринчи қисмининг ўн еттинчи хатбошиси** қуйидаги таҳрирда баён этилсин:

«тегишинча соғлиқни сақлашни бошқариш ҳудудий органлари, туман (шаҳар) тиббиёт бирлашмалари раҳбарларининг ҳисоботларини эшитиш»;

2) **VI боб** қуйидаги мазмундаги **25⁵-модда** билан тўлдирилсин:

«25⁵-модда. Халқ депутатлари Кенгаши томонидан Ўзбекистон Республикаси Соғлиқни сақлаш вазирлиги ҳудудий бўлинмалари раҳбарларининг ҳисоботларини эшитиш

Вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармаси раҳбарлари ҳар ярим йиллик якунлари бўйича тегишинча халқ депутатлари вилоятлар ва Тошкент шаҳар Кенгашларига ҳудудда соғлиқни сақлашни ривожлантиришга оид давлат дастурларининг бажарилиши, касалликлар профилактикасининг ҳолати, соғлом турмуш тарзини ва тўғри овқатланишни шакллантириш, шунингдек соғлиқни сақлашнинг асосий кўрсаткичлари тўғрисида ҳисобот тақдим этади.

Вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармаси раҳбарларининг ҳисоботини эшитиш якунлари бўйича тегишли халқ депутатлари Кенгаши томонидан уларнинг фаолияти самарадорлигига баҳо берилади, ҳудуддаги соғлиқни сақлаш соҳасидаги мавжуд муаммолар ва камчиликларни ҳал этишга, шу жумладан кўрсатилётган тиббий хизматлар сифатини оширишга, тиббиёт муассасаларининг моддий-техника базасини мустаҳкамлашга, тиббиёт ва фармацевтика ходимларининг малакасини оширишга ҳамда уларнинг ижтимоий ҳимоя қилинишини кучайтиришга қаратилган чора-тадбирлар белгиланади, шунингдек

тегишли қарор қабул қилиниб, қарор Ўзбекистон Республикаси Соғлиқни сақлаш вазирлигига юборилади.

Туман (шаҳар) тиббиёт бирлашмаларининг раҳбарлари ҳар ярим йиллик яқунлари бўйича тегишинча халқ депутатлари туман (шаҳар) Кенгашларига ҳудудда соғлиқни сақлашни ривожлантиришга оид давлат дастурларининг бажарилиши, касалликлар профилактикасининг ҳолати, соғлом турмуш тарзини ва тўғри овқатланишни шакллантириш, шунингдек соғлиқни сақлашнинг асосий кўрсаткичлари тўғрисида ҳисобот тақдим этади.

Туман (шаҳар) тиббиёт бирлашмалари раҳбарларининг ҳисоботини эшитиш яқунлари бўйича тегишли халқ депутатлари Кенгаши томонидан уларнинг фаолияти самарадорлигига баҳо берилади, ҳудуддаги соғлиқни сақлаш соҳасидаги мавжуд муаммолар ва камчиликларни ҳал этишга, шу жумладан кўрсатилаётган тиббий хизматлар сифатини оширишга, тиббиёт муассасаларининг моддий-техника базасини мустаҳкамлашга, тиббиёт ва фармацевтика ходимларининг малакасини оширишга ҳамда уларнинг ижтимоий ҳимоя қилинишини кучайтиришга қаратилган чора-тадбирлар белгиланади, шунингдек тегишли қарор қабул қилиниб, қарор соғлиқни сақлашни бошқариш ҳудудий органларига юборилади».

2-модда. Ўзбекистон Республикасининг 1993 йил 2 сентябрда қабул қилинган «**Фуқароларнинг ўзини ўзи бошқариш органлари тўғрисида**»-ги 915–XII-сонли Қонуни (Ўзбекистон Республикасининг 2013 йил 22 апрелда қабул қилинган ЎРҚ–350-сонли Қонуни таҳририда) (Ўзбекистон Республикаси Олий Мажлиси палаталарининг Ахборотномаси, 2013 йил, № 4, 96-модда; 2016 йил, № 4, 125-модда, № 12, 383-модда; 2017 йил, № 9, 510-модда; 2018 йил, № 7, 431-модда, № 10, 674-модда, № 12, 781-модда; 2019 йил, № 9, 588, 591-моддалар; 2021 йил, 4-сонга илова, № 12, 1194-модда; 2022 йил, № 3, 213-модда, № 6, 570-модда, № 10, 984-модда) **11-моддаси биринчи қисмининг тўққизинчи хатбошиси** қуйидаги таҳрирда баён этилсин:

«тегишинча аҳоли бириктирилган туман (шаҳар) кўп тармоқли марказий поликлиникалари, оилавий поликлиникалар ва оилавий шифокор пунктлари раҳбарларининг профилактика кўрикларини ҳамда скрининг дастурларини амалга ошириш, фуқароларнинг репродуктив саломатлигини сақлаш, соғлом турмуш тарзини ва тўғри овқатланишни шакллантириш ҳолати, ижтимоий аҳамиятга молик касалликларнинг ҳамда атрофдагилар учун хавfli бўлган касалликларнинг тарқалиши, фуқаролар соғлиғига таъсир этувчи омиллар, шу жумладан тегишли ҳудуднинг санитария-эпидемиологик осойишталиги тўғрисидаги ахборотини эшитади».

3-модда. Ўзбекистон Республикаси Соғлиқни сақлаш вазирлиги ва бошқа манфаатдор ташкилотлар ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тушунтирилишини таъминласин.

4-модда. Ўзбекистон Республикаси Вазирлар Маҳкамаси:

хукумат қарорларини ушбу Қонунга мувофиқлаштирсин;
республика ижро этувчи ҳокимият органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

5-модда. Ушбу Қонун расмий эълон қилинган кундан эътиборан кучга киради.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2023 йил 4 октябрь,
ЎРҚ-870-сон

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

418 Саноат ва унинг базавий тармоқларини жадал ривожлантириш бўйича қўшимча чора-тадбирлар тўғрисида*

Мамлакатда юқори технологияларга асосланган саноат йўналишларини жадал ривожлантириш, саноат тармоқларига хусусий инвестицияларни кенг жалб этиш орқали рақобатбардош тайёр маҳсулотлар ишлаб чиқаришни кенгайтириш, ҳудудларда янги ишлаб чиқариш қувватларини ташкил этиш ҳисобидан аҳоли даромадларини ошириш ҳамда йирик тармоқларга илғор халқаро стандартларга асосланган бошқарув тизимини жорий этиш мақсадида:

1. Белгилансинки, давлат саноат сиёсатини амалга ошириш ҳамда саноатнинг базавий тармоқларини ривожлантириш бўйича вазифа ва функциялар Иқтисодиёт ва молия вазирлигига юкланади.

Бунда, Инвестициялар, саноат ва савдо вазирлиги маҳаллий саноат тармоқларида ишлаб чиқариш, инвестиция, экспорт, маҳаллийлаштириш ва саноат зоналарини ривожлантириш масалалари учун масъул ҳисобланади.

2. Қўйидагилар Иқтисодиёт ва молия вазирлигининг саноатни ривожлантириш бўйича асосий вазифалари этиб белгилансин:

ягона саноат сиёсатини амалга ошириш ҳамда саноат тармоқларини ривожлантириш борасида замонавий механизмларни жорий этиш;

ҳудудларнинг табиий хом ашё, меҳнат ресурсларини ва «нисбий устунликларини» инobatга олган ҳолда саноатни ривожлантиришга туртки берадиган йўналишларни белгилаш ва уларнинг амалга оширилишини мувофиқлаштириш;

саноатнинг базавий тармоқлари, жумладан нефть-газ, энергетика, кимё, тоғ-кон, машинасозлик саноатини ривожлантириш, рақобатбардошлигини ошириш, диверсификация қилиш ҳамда уларни ислоҳ қилиш стратегиялари ва дастурларини ишлаб чиқиш;

ресурсларнинг тармоқлараро ва ҳудудлар бўйича мутаносиб равишда тақсимланишини ҳамда инфратузилманинг ўзаро мувозанатлашган ривожланишини таъминлаш;

тегишли вазирликлар билан биргаликда энергия ресурслари, қимматбаҳо ва рангли металллар, бошқа стратегик ресурсларни ишлаб чиқариш, уларнинг истеъмол балансини шакллантириш ва мониторинг қилиш ҳамда ишлаб чиқариш кучларини оптимал жойлаштириш;

саноат тармоқларида меҳнат унумдорлигини, энергия ва бошқа ишлаб

* Ушбу Фармон «Қонунчилик маълумотлари миллий базаси»да 2023 йил 13 октябрда эълон қилинган.

чиқариш ресурслари тежамкорлигини ошириш, маҳсулот таннархини пасайтириш ҳамда операцион самарадорликни оширишда замонавий механизм ва ёндашувларнинг қўлланилиши бўйича чора-тадбирларни мувофиқлаштириш;

муҳим саноат маҳсулотлари бўйича бозор конъюнктурасини ўрганиш асосида тегишли маҳсулотлар билан ички бозор талабини қондириш ва нархлар кескин ўзгаришининг олдини олиш ҳамда саноат корхоналарининг мавжуд ишлаб чиқариш қувватларидан самарали фойдаланиш бўйича таклиф ва чоралар ишлаб чиқиш.

3. Иқтисодиёт ва молия вазирлигига саноатни ривожлантириш бўйича берилаётган ваколатларни инобатга олган ҳолда иқтисодиёт ва молия вазирининг ўринбосарларига қуйидаги қўшимча вазифалар юклатилсин:

а) вазирнинг биринчи ўринбосарига (И. Норқулов):

глобал иқтисодий-молиявий вазиятни ва бозор конъюнктурасини таҳлил қилиш асосида маҳаллий ишлаб чиқарувчилар ва экспортёрларга таъсири бўйича хатарларни баҳолаш ҳамда уларнинг салбий таъсирини юмшатиш ва олдини олиш бўйича чора-тадбирлар ишлаб чиқилишини мувофиқлаштириш;

манфаатдор вазирлик ва идоралар билан биргаликда барқарор иқтисодий ўсишни таъминлаш мақсадида соҳа, тармоқ ва ҳудудлар кесимида манзилли прогноз параметрларини шакллантириш;

б) вазир ўринбосарига (Б. Ходжаев):

саноат сиёсатини ишлаб чиқиш ва унинг амалга оширилишини ташкил этишга масъул этиб белгиланган ҳолда Иқтисодиёт ва молия вазирлигининг ҳудудий бошқарма ва бўлинмаларининг саноатни ривожлантириш йўналишидаги фаолиятини мувофиқлаштириш;

йирик тармоқ корхоналари ва ҳудудларда саноат маҳсулотларини ишлаб чиқариш ҳажмларини мониторинг қилиш ҳамда прогноз кўрсаткичларига эришишда мавжуд хатарларни аниқлаш ва уларни бартараф этиш бўйича чоралар кўриб бориш;

базавий саноат тармоқ корхоналарини трансформация қилиш, уларда маҳсулот ва хизмат таннархини пасайтириш, молиявий барқарорлигини ва операцион самарадорлигини ошириш;

Энергетика вазирлиги билан биргаликда электр энергияси ва табиий газ бозорларини ислоҳ қилиш ва ривожлантириш стратегияларини ишлаб чиқиш ва амалга оширишни ташкил этиш;

иқтисодиёт тармоқларида тариф сиёсатини таҳлил қилиш ва такомиллаштириш чораларини кўриш;

в) вазир ўринбосарига (А. Бобоев) — ҳудудларда саноатни ривожлантириш мақсадида ишлаб чиқариш инфратузилмасини яхшилаш бўйича чоралар кўриш, саноат зоналари ва янги ишга тушириладиган йирик корхоналарнинг инфратузилма билан таъминланганлик ҳолатини таҳлил қилиш ва уларни молиялаштириш ишларини мувофиқлаштириш.

4. Иқтисодиёт ва молия вазирлигида халқаро консалтинг компанияларини жалб қилган ҳолда Саноат сиёсатини амалга ошириш ва саноатнинг базавий тармоқларини ривожлантириш йўналишларини ишлаб чиқиш бўйича

лойиха офиси (кейинги ўринларда — Лойиха офиси) ташкил этилсин ва унга қуйидаги вазифалар юклатилсин:

саноатда иқтисодий ўсиш «нуқта»ларини аниқлаш, ҳудудларда «драйвер» соҳаларни белгилаш, янги турдаги қўшилган қиймати юқори бўлган маҳсулотлар ишлаб чиқаришни ташкил этиш бўйича чора-тадбирларни ишлаб чиқиш;

саноат тармоқларида ишлаб чиқариладиган маҳсулот таннархини пасайтириш ва энергиядан самарали фойдаланиш, шу жумладан ресурс ва энергия тежамкорлигини ошириш бўйича дастурларни ишлаб чиқиш;

саноат тармоқларининг ташқи бозорларда рақобатбардошлигини таҳлил қилиш, маҳаллий ишлаб чиқариш корхоналарида самарадорликни ва меҳнат унумдорлигини ошириш сиёсатини ишлаб чиқиш;

саноат соҳаларини ривожлантириш дастурларини ишлаб чиқиш ва уларни амалга оширишда давлат томонидан самарали қўллаб-қувватлаш механизмларини ишлаб чиқиш.

Иқтисодиёт ва молия вазирлигига Лойиха офиси фаолиятини қўллаб-қувватлаш учун, истисно тариқасида, халқаро консалтинг компаниялари билан тўғридан-тўғри шартномалар тузишга рухсат этилсин.

5. Қуйидагилар Иқтисодиёт ва молия вазирлигига ўтказилсин:

«Лойихалар ва импорт контрактларини комплекс экспертиза қилиш маркази» ДУК;

Инвестициялар, саноат ва савдо вазирлиги марказий аппаратининг 45 штат бирлиги.

6. Вилоят, шаҳар ва туманларнинг иқтисодиёт ва молия бошқармалари ва бўлимларида саноатни ривожлантириш ва иқтисодиётнинг ресурслар билан таъминланганлигини таҳлил қилиш йиғма бўлимлари ташкил этилсин.

Вазирлар Маҳкамаси (Ж. Ходжаев) икки ҳафта муддатда мазкур Фармондан келиб чиққан ҳолда Инвестициялар, саноат ва савдо вазирлиги фаолиятини қайта ташкил этиш юзасидан Ўзбекистон Республикаси Президенти Фармони лойиҳасини киритсин.

Бунда, саноатни ривожлантириш ва иқтисодиётнинг ресурслар билан таъминланганлигини таҳлил қилиш йиғма бўлимлари штат бирликларини Инвестициялар, саноат ва савдо вазирлигининг ҳудудий бўлинмаларида тегишли штат бирликларини қисқартириш ҳисобига шакллантириш назарда тутилсин.

7. Иқтисодиёт ва молия вазирлиги:

Париж битимининг (Париж, 2015 йил 12 декабрь) 6-моддасига мувофиқ Барқарор ривожланишни қўллаб-қувватлаш механизми юзасидан чора-тадбирлар амалга оширилишини мувофиқлаштириш бўйича ваколатли орган (миллий орган) ҳисобланиши;

«иссиқхона газлари савдоси»ни тартибга солиш ва амалга оширишни мувофиқлаштириш ва бошқариш, шунингдек, ушбу йўналишда лойиҳаларни амалга ошириш даврида мониторинг ва ҳисоботларни юритиш учун масъул орган сифатида иштирок этиши маълумот учун қабул қилинсин.

8. Белгилансинки:

а) Иқтисодиёт ва молия вазирлиги тизимида давлат муассасаси шаклида ташкил этилган «Яшил иқтисодиёт лойиҳалари маркази» лойиҳа офиси «иссиқхона газлари савдоси» соҳасида давлат томонидан тартибга солиш ва халқаро ҳамкорлик бўйича ишчи орган ҳисобланади.

Бунда, ишчи орган углерод бирликларининг реестрини шакллантириш ва юритиш, «иссиқхона газлари савдоси» миллий тизимини жорий этиш ва фаолиятини қўллаб-қувватлаш, углерод бирликларини сотиш ва сотиб олишни тартибга солиш фаолиятини амалга оширади;

б) «иссиқхона газлари савдоси» миллий тизими 2024 йил 1 июндан тажриба-синов тариқасида йўлга қўйилади ҳамда 2025 йил 1 январдан энергетика ва саноат тармоқларида тўлиқ жорий қилинади;

в) республика ҳудудида амалга оширилган лойиҳалар асосида углерод бирликларини халқаро сертификациядан ўтказиш ва халқаро «иссиқхона газлари савдоси» ихтиёрий бозорларига савдога чиқариш учун йўналтириш Иқтисодиёт ва молия вазирлиги билан мажбурий тартибда келишилади.

9. Иқтисодиёт ва молия вазирлиги бир ой муддатда «иссиқхона газлари савдоси» миллий тизими, иссиқхона газлари квотаси миллий режаси ҳамда углерод бирликларининг реестрини шакллантириш ва жорий қилиш масалаларини қамраб олувчи қонун лойиҳасини Вазирлар Маҳкамасига киритсин.

10. Шундай тартиб ўрнатилсинки, унга мувофиқ 2024 йил 1 январдан бошлаб кимё саноатини тартибга солиш ва мувофиқлаштириш функциялари қуйидагича тақсимланади:

а) Иқтисодиёт ва молия вазирлигига:

кимё саноатида ислоҳотларни амалга ошириш, тармоқда ишлаб чиқаришни диверсификация қилиш, мавжуд табиий ресурсларни чуқур қайта ишлаш ва талаб юқори бўлган сифатли маҳсулотлар ишлаб чиқаришни рағбатлантириш бўйича ягона сиёсатни амалга ошириш;

кимё саноатида сиёсатни белгиловчи стратегик ҳамда ўрта ва узоқ муддатли ривожланиш ва ислоҳотлар дастурлари, шунингдек, бошқа дастурий ҳужжатларни ишлаб чиқиш ва уларнинг амалга оширилишини мувофиқлаштириш;

тармоқ корхоналарини трансформация қилиш ва уларнинг операцион самарадорлигини ошириш бўйича чора-тадбирларни белгилаш;

кимё саноати корхоналарини асосий хом ашё билан таъминлаш прогнозларини, шу жумладан ишлаб чиқариш ва ресурс балансларини шакллантириш ҳамда ижросини мувофиқлаштириш;

б) Инвестициялар, саноат ва савдо вазирлигига:

кимё саноати тармоғидаги лойиҳаларга замонавий юқори технология ускуналар ва инновацион технологияларни жалб қилиш, маҳаллий маҳсулотларни янги ташқи бозорларга чиқаришга қўмаклашиш;

янги ишлаб чиқариш қувватларини яратишга хусусий капитални, жумладан хорижий инвестицияларни жалб қилиш;

кимё саноати корхоналарида техник стандартларни ишлаб чиқиш;

в) Давлат активларини бошқариш агентлигига:

давлат улушига эга бўлган тармоқ корхоналарида бошқарув тизимини такомиллаштириш, шу жумладан корпоратив бошқарув ва барқарор ривожланиш бўйича халқаро стандартларни жорий этиш;

давлат улушига эга бўлган тармоқ корхоналарини хусусийлаштиришни ташкил этиш.

11. Вазирлар Маҳкамаси (Ж. Қўчқоров) икки ой муддатда иловага мувофиқ кимё саноати корхоналаридаги «Ўзкимёсаноат» АЖнинг акция пакетлари Давлат активларини бошқариш агентлиги ҳамда Ўзбекистон Республикаси Тикланиш ва тараққиёт жамғармасига ўтказилишини таъминласин.

Давлат активларини бошқариш агентлиги «Ўзкимёсаноат» АЖ билан биргаликда бир ой муддатда «Ўзкимёсанот» АЖ улуши (акциялари) мавжуд бўлган барча корхоналарни хатловдан ўтказиб, уларни Давлат активларини бошқариш агентлигига ўтказиш бўйича таклифларни киритсин.

12. Иқтисодиёт ва молия вазирлиги, Рақобатни ривожлантириш ва истеъмолчилар ҳуқуқларини ҳимоя қилиш қўмитасининг қўйидаги таклифларига розилик берилсин:

каустик сода, кальцийланган сода, қурилиш ойнаси, техник керосин, нефть парафини, формалин маҳсулотларини Ўзбекистон Республикаси Президентининг 2017 йил 14 ноябрдаги ПҚ–3386-сон қарори билан тасдиқланган монополист корхоналар томонидан фақат биржа савдолари орқали бозор тамойиллари асосида сотиладиган юқори ликвидли ва монопол турдаги маҳсулотлар, хом ашё ва материалларнинг рўйхатидан (кейинги ўринларда — Рўйхат) чиқариш;

Рақобатни ривожлантириш ва истеъмолчилар ҳуқуқларини ҳимоя қилиш қўмитасига товар-хом ашё биржалари савдоларига рухсат этиладиган товар ва хом ашёларга мезонлар ва тавсифларни белгилаш ҳамда Рўйхатга ўзгартириш ва қўшимчалар киритиш ҳуқуқини бериш.

13. Рақобатни ривожлантириш ва истеъмолчилар ҳуқуқларини ҳимоя қилиш қўмитаси 2024 йил 1 мартга қадар Ўзбекистон Республикасининг «Товар-хом ашё биржалари тўғрисида»ги Қонуни лойиҳасини Вазирлар Маҳкамасига киритсин ҳамда унда, шу жумладан, товар-хом ашё биржаларининг фаолият юритиш тартиби ва хусусиятлари, биржа орқали сотиладиган товарларга қўйиладиган талаблар, молиявий ҳосилавий инструментларни чиқариш механизмлари назарда тутилсин.

14. Ўзбекистон Республикаси Президентининг 2021 йил 10 декабрдаги «Гидроэнергетикани янада ривожлантириш бўйича қўшимча чора-тадбирлар тўғрисида»ги ПҚ–44-сон қарори 6-бандининг «а» кичик банди ўз кучини йўқотган деб ҳисоблансин.

Вазирлар Маҳкамаси ҳузуридаги Идоралараро тариф комиссияси (Ж. Қўчқоров) бир ҳафта муддатда «Ўзбекгидроэнерго» АЖ таркибидаги гидроэлектр станциялари томонидан ишлаб чиқариладиган электр энергиясини харид қилиш тарифларини «Ўзбекгидроэнерго» АЖнинг инвестиция дастурларини молиялаштириш учун етарли миқдорда тасдиқласин.

15. Иқтисодиёт ва молия вазирлиги:

бир ҳафта муддатда Ўзбекистон Республикаси Президентининг «Иқтисо-

диёт ва молия вазирлиги фаолиятини ташкил этиш чора-тадбирлари тўғрисида»ги қарори лойиҳасини;

икки ой муддатда Адлия вазирлиги ҳамда манфаатдор вазирлик ва идоралар билан биргаликда қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида таклифларни Вазирлар Маҳкамасига киритсин.

16. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2023 йил 12 октябрь,
ПФ–169-сон

Ўзбекистон Республикаси
Президентининг 2023 йил 12 октябрдаги
ПФ–169-сон Фармонига
ИЛОВА

Давлат активларини бошқариш агентлиги ҳамда
Ўзбекистон Республикаси Тикланиш ва тараққиёт жамғармасига
«Ўзкимёсаноат» АЖнинг акция пакетлари ўтказиб
бериладиган корхоналар
РЎЙХАТИ

Т/р	Корхона номи	Берилаётган улушлар (фоизда)	
		Давлат активларини бошқариш агентлигига	Тикланиш ва тараққиёт жамғармасига
1.	«Дехқонобод калий заводи» АЖ	53,37	46,63
2.	«Қўнғирот сода заводи» ҚК МЧЖ	49	
3.	«Кимётранс-логистик» МЧЖ	100	
4.	«Ҳамкор-кимёсервис» МЧЖ	100	
5.	«Кимётранс» МЧЖ	25	

Изоҳ: корхоналарнинг акция пакетлари (улушлари) жамиятларнинг акциядорлар умумий йиғилишларида тегишли қарорлар қабул қилингандан сўнг ўтказиб берилади. Бунда «Ўзкимёсаноат» АЖ устав капитали ўтказиб бериладиган улушларнинг баланс (қолдиқ) қийматига камайтирилади.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**419** Ўзбекистон Республикаси темир йўл транспорти соҳаси-
ни тубдан ислоҳ қилиш чора-тадбирлари тўғрисида*

Темир йўл транспорти соҳасини ислоҳ қилиш, соғлом рақобат муҳитини яратиш, соҳага хусусий секторни кенг жалб қилиш, бизнес жараёнларини рақамлаштириш, бошқарувнинг замонавий усулларини жорий этиш ҳамда республиканинг транзит салоҳиятидан самарали фойдаланиш мақсадида:

1. Қуйидагилар темир йўл транспорти соҳасини босқичма-босқич ислоҳ қилишнинг устувор вазифалари этиб белгилансин:

темир йўлда ташиш хизматлари бозорида рақобатни шакллантириш ва жозибador инвестиция муҳитини яратиш орқали ташиш жараёнларига хусусий инвестицияларни жалб қилиш;

темир йўл соҳасини трансформация қилиш ва рақамлаштириш ишларини жадаллаштириш, хизматлар кўрсатиш жараёнининг узлуксизлиги, сифатлиги, хавфсизлиги, барқарорлиги ва ишончлилигини таъминлаш;

темир йўл корхоналарининг молиявий ҳолатини мустаҳкамлаш, йўловчи ва юк ташишда таннарх ва харажатларни камайтириш, операцион самардорликни таъминлаш борасида ҳисобдорлик ва рағбатлантирувчи муҳитни яратиш;

тадбиркорлик субъектлари учун темир йўл орқали юк ташиш хизматини кўрсатувчи вагон операторларини эркин танлаш ҳуқуқини таъминлаш;

темир йўл хизматларини кўрсатишда иқтисодий ва молиявий салоҳияти юқори бўлган йўналиш ва соҳаларга мустақил ривожланиш, шу жумладан маҳаллий ва халқаро молия бозорларига чиқиш ҳамда давлат кўмагисиз кредит ресурсларини жалб қилиш учун имконият яратиш;

темир йўл соҳасидаги давлат улуши мавжуд компанияларда корпоратив бошқарув тизимини тубдан яхшилаш, соҳага малакали хорижий менежерлар ва мутахассисларни жалб қилиш.

2. Иқтисодиёт ва молия вазирлиги ҳамда Транспорт вазирлигининг «Ўзбекистон темир йўллари» АЖ ва унинг таркибидаги корхоналар негизида 2024 йил 1 январга қадар алоҳида йўналишлар бўйича қуйидагиларни ташкил этиш тўғрисидаги таклифи маъқуллансин:

йўл хўжалиги, электр таъминоти, сигналлаштириш ва алоқа, локомотив хўжалиги, ягона диспетчерлик маркази ва юк станциялари иш фаолиятини таъминлаш ҳамда мазкур инфратузилма объектларини ривожлантириш бўйича «Темирйўлинфратузилма» АЖ;

юк ташиш хизматларини амалга ошириш, юк вагон ва контейнер хўжалигини сақлаш ва ривожлантириш, мультимодал «эшикдан эшиккача» ташувларни йўлга қўйиш, логистика марказлари ва терминалларини ташкил этиш бўйича «Темирйўлкарго» АЖ;

юқори тезликда ҳаракатланувчи электропоездларда йўловчиларни ташиш

* Ушбу қарор «Қонунчилик маълумотлари миллий базаси»да 2023 йил 11 октябрда эълон қилинган.

хизматини кўрсатиш ҳамда юқори тезликда ҳаракатланувчи электропоездлар хўжалигини сақлаш ва ривожлантириш бўйича «Темирйўлэкспресс» АЖ;

«Ўзтемирйўлйўловчи» АЖ таркибида вокзаллар фаолиятини таъминлаш бўйича «Темир йўл вокзаллари» МЧЖ ва шаҳар атрофида йўловчилар ташиш бўйича «Шаҳар атрофида йўловчи ташиш» МЧЖ;

болалар оромгоҳлари, соғлиқни сақлаш, маданий-маърифий ва спорт объектларини сақлаш, аҳолига кўрсатиладиган хизматлардан тушадиган тушумларни ошириш ҳамда уларни босқичма-босқич ўзини ўзи молиялаштиришга ўтказиш юзасидан тизимли ишларни амалга ошириш бўйича «Темир йўл ижтимоий хизматлар» муассасаси.

Мазкур банд билан ташкил этилаётган акциядорлик жамиятлари ва муассасанинг таъсисчиси (акциядори, мулкдори) этиб холдинг сифатида «Ўзбекистон темир йўллари» АЖ белгилансин.

3. «Ўзбекистон темир йўллари» АЖга ўзининг таркибидаги корхоналарга бухгалтерия ҳисоби, молия, менежмент, рақамлаштириш, харидлар, кадрлар малакасини ошириш ва бошқа йўналишларда хизмат кўрсатиш вазифаси юклансин.

4. Қуйидагилар:

2023 — 2026 йилларда темир йўл транспорти соҳасини ислоҳ қилиш бўйича «йўл харитаси» 1-иловага* мувофиқ;

темир йўл транспорти соҳасида ислохотларнинг қисқа муддатларда ва самарали амалга оширилишини таъминлаш йўлида барча мавжуд тўсиқларни бартараф этиш ваколатига эга бўлган Темир йўл транспорти соҳасида ислохотларни мувофиқлаштириш бўйича идоралараро комиссия ва унинг ҳузуридаги ишчи гуруҳ таркиблари 2 ва 2а-иловаларга* мувофиқ;

2023 — 2025 йилларда «Ўзбекистон темир йўллари» АЖда рақамли трансформация жараёнларини жадаллаштириш бўйича «йўл харитаси» 3-иловага* мувофиқ;

«Ўзбекистон темир йўллари» АЖ таркибидаги айрим хўжалик жамиятлари ва корхоналарни қайта ташкил этиш механизмлари 4-иловага* мувофиқ;

«Ўзбекистон темир йўллари» АЖ таркибидаги корхоналарнинг оммавий савдолар орқали сотиладиган акция пакетлари (улушлари) рўйхати 5-иловага* мувофиқ;

«Ўзбекистон темир йўллари» АЖ ва унинг таркибидаги корхоналарнинг оммавий савдолар орқали сотиладиган кўчмас мулк объектлари рўйхати 6-иловага* мувофиқ;

«Ўзбекистон темир йўллари» АЖ ва унинг таркибидаги корхоналарнинг давлат бошқаруви органлари, маҳаллий ижро этувчи ҳокимият органлари ҳамда бошқа ташкилотларга кейинчалик самарали фойдаланиш учун баланс қийматида текинга ўтказиладиган активлари рўйхати 7-иловага* мувофиқ;

«Ўзбекистон темир йўллари» АЖ ва унинг таркибидаги корхоналарнинг «Темир йўл ижтимоий хизматлар» муассасасига баланс қийматида ўтказиладиган мол-мулклари рўйхати 8-иловага* мувофиқ;

юк ташиш ҳажмини ошириш ва хизмат кўрсатиш сифатини яхшилаш

* 1 — 8-иловалар «Қонунчилик маълумотлари миллий базаси»да эълон қилинган.

шарти билан аукцион орқали ижарага таклиф этиладиган темир йўл станциялари ҳудуди рўйхати 9-иловага* мувофиқ;

«Ўзбекистон темир йўллари» АЖ ва унинг таркибидаги корхоналарни қайта ташкил этишда мол-мулкларни бериш, сотиш ҳамда сақлашнинг алоҳида тартиби 10-иловага** мувофиқ;

темир йўл транспорти секторини ислоҳ қилиш ва янада ривожлантириш жараёнларида иштирок этувчи мутасадди ташкилотлар ва уларнинг асосий вазифалари 11-иловага мувофиқ тасдиқлансин.

5. Транспорт вазирлиги, Иқтисодиёт ва молия вазирлиги, Инвестициялар, саноат ва савдо вазирлиги, Давлат активларини бошқариш агентлиги ва Тошкент шаҳар ҳокимлиги уч ой муддатда қуйидагиларни назарда тутувчи дастурларни Вазирлар Маҳкамасига киритсин:

«Ўзбекистон темир йўллари» АЖ ва унинг таркибидаги корхоналарни модернизация қилиш, темир йўл инфратузилмасини ривожлантириш, локомотив ва вагонлар паркини янгилаш;

тегишли инфратузилмани яратган ҳолда Тошкент шаҳри ҳудудида жойлашган станцияларни шаҳардан ташқарига чиқариш ва бўшайдиган ер участкаларини онлайн аукцион орқали сотиш ҳамда тушадиган маблағларни (сотиш харажатларини чегирган ҳолда) тенг улушларда темир йўл соҳаси инфратузилмасини ривожлантиришга ва республика бюджетига йўналтириш.

6. Темир йўлда юкларни маҳаллий, экспорт ва импорт йўналишларида ташиш тарифларига тақдим этилган чегирмалар (икки ёки ундан кўп хорижий мамлакатларнинг темир йўл маъмуриятлари билан келишувларга асосан тақдим этилган чегирмалар бундан мустасно) 2024 йил 1 январдан бекор қилинсин ҳамда уларни фақат Вазирлар Маҳкамаси қарори билан тақдим этиш тартиби жорий этилсин.

Вазирлар Маҳкамаси (А. Арипов) 2023 йил 1 декабрга қадар темир йўлларда юкларни ташиш тарифларига тақдим этиладиган чегирмалар рўйхатини тасдиқласин.

7. Иқтисодиёт ва молия вазирлиги ҳамда Транспорт вазирлигининг қуйидаги таклифларига розилик берилсин:

2024 йил 1 январдан бошлаб юк вагонлари ва контейнерларни тақдим этиш ҳамда юқори тезликда ҳаракатланадиган ва тезюрар поездларда йўловчиларни ташиш хизматлари тарифларини давлат томонидан тартибга солиш амалиётидан воз кечиб, уларни бозор тамойиллари асосида тартибга солиш механизмига ўтиш;

2025 йил 1 январдан бошлаб маҳаллий йўналишларда йўловчиларни ташиш хизматларини (юқори тезликда ҳаракатланадиган ва тезюрар поездларда йўловчиларни ташиш бундан мустасно) кўрсатишдан кўрилган зарарлар, шунингдек, Вазирлар Маҳкамаси қарорлари билан темир йўл транспортида юк ташиш хизматларига берилган чегирмаларни Давлат бюджети ҳисобидан компенсация қилиш.

Транспорт вазирлиги Иқтисодиёт ва молия вазирлиги билан биргаликда

* 9-илова «Қонунчилик маълумотлари миллий базаси»да эълон қилинган.

** 10-илова берилмайди.

уч ой муддатда маҳаллий йўналишларда йўловчиларни ташиш хизматларини кўрсатишдан кўрилган зарарлар ҳамда темир йўл транспортида юк ташиш хизматларига берилган чегирмаларни (Public service obligation) Давлат бюджети ҳисобидан компенсация қилиш тартибини тасдиқлаш учун Вазирлар Маҳкамасига киритсин.

8. Белгилансинки:

умумий фойдаланишдаги темир йўл транспорти инфратузилмаси объектлари, магистраль локомотив ва рўйхати Транспорт вазирлиги томонидан тасдиқланадиган махсус вагонларнинг учинчи шахсларга сотилиши, бегоналаштирилиши ёки бошқарувга ўтказилишига рухсат этилмайди;

умумий фойдаланишдаги темир йўл транспорти инфратузилмаси объектлари, локомотивларни тақдим этиш, маҳаллий йўналишларда йўловчиларни ташиш хизматлари (юқори тезликда ҳаракатланадиган ва тезюрар поездларда йўловчиларни ташиш бундан мустасно) тарифлари Вазирлар Маҳкамаси ҳузуридаги Идоралараро тариф комиссияси томонидан тартибга солинади.

9. Давлат активларини бошқариш агентлиги «Ўзбекистон темир йўллари» АЖнинг активларини савдога чиқаришда харид тўловларини, миқдоридан қатъи назар, 5 йилгача бўлиб-бўлиб тўлаш имкониятини назарда тутсин ҳамда уч ойдан ортиқ муддат мобайнида сотилмасдан турган активларнинг бошланғич баҳосини 30 фоизгача пасайтириш, зарур ҳолларда баланс (қолдиқ) қийматида сотиш чораларининг кўрилишини таъминласин.

10. Тикланиш ва тараққиёт жамғармаси Саноатни ривожлантириш жамғармаси ҳисобидан, истисно тариқасида, экспортни кўпайтириш учун «Ўзбекистон темир йўллари» АЖга унинг таркибидаги корхоналарнинг кафиллиги асосида юк ва йўловчи вагонларини ишлаб чиқариш ҳамда мавжуд қувватларни ошириш учун жами 150 миллион доллар миқдоридаги кредит маблағларини йиллик 5 фоиз ставкада, 3 йиллик имтиёзли давр билан 10 йил муддатга тўғридан-тўғри ажратсин.

Белгилансинки, лойиҳаларнинг техник-иқтисодий асослари ва улар доирасида тузилган шартномалар «Лойиҳалар ва импорт контрактларини комплекс экспертиза қилиш маркази» ДУК томонидан экспертизадан ўтказилади.

11. Транспорт вазирлиги ҳамда Иқтисодиёт ва молия вазирлигининг «Ўзбекистон темир йўллари» АЖ томонидан «Ташқи иқтисодий фаолият миллий банки» АЖ ва «Ўзсаноатқурилишбанк» АТБ орқали жалб қилинган Тикланиш ва тараққиёт жамғармаси кредитлари бўйича асосий қарзни қайтариш муддатини, фоиз ставкаларини ўзгартирмаган ҳолда, беш йилга узайтириш тўғрисидаги таклифи маъқуллансин.

Бунда, Марказий банкка, истисно тариқасида, «Ташқи иқтисодий фаолият миллий банки» АЖга нисбатан кредитлар бўйича асосий қарзни қайтариш муддатини узайтириш натижасида активлар сифатини таснифлаш бўйича талабларни ва жарималарни қўлламаслик тавсия этилсин.

12. Транспорт вазирлиги, «Ўзбекистон темир йўллари» АЖ икки ой муддатда:

а) Тоғ-кон саноати ва геология вазирлиги билан биргаликда қуйидаги

лойиҳаларнинг самарадорлигини ўрганиб, Вазирлар Маҳкамасига тегишли таклифлар киритсин:

«Навоий КМК» АЖ билан биргаликда «Навоий-Учқудук» темир йўл участкасини электрлаштириш;

«Олмалиқ КМК» АЖ билан биргаликда «Тошкент-Ангрен» темир йўл участкасида иккинчи электрлаштирилган темир йўл линиясини қуриш, мавжуд йўл участкасини модернизация қилиш ҳамда мазкур йўналишда жойлашган саноат корхоналари экспорт юқларига логистика хизматларини йўлга қўйиш учун терминал ҳамда Тошкент вилояти Оҳангарон туманида мультимодал транспорт логистика марказини ташкил этиш;

«Навоий КМК» АЖ, «Олмалиқ КМК» АЖ, «Ўзметкомбинат» АЖ, «Ўзкимёсаноат» АЖ ва бошқа экспортёр корхоналар томонидан темир йўл хизматларидан фойдаланиш даражасини ошириш мақсадида транспорт логистика компанияларини ташкил қилиш;

б) Иқтисодиёт ва молия вазирлиги билан биргаликда Тошкент, Самарқанд ва Қўқон шаҳарларида жойлашган темир йўл вокзалларини давлат-хусусий шериклик асосида ривожлантириш юзасидан қарор лойиҳасини Вазирлар Маҳкамасига киритсин.

13. 2027 йил 1 январга қадар темир йўл транспорти хизматларини кўрсатувчи корхоналар томонидан белгиланган тартибда шакллантириладиган рўйхат бўйича олиб кириладиган ортиш-тушириш ишлари учун мўлжалланган механизм ва ускуналарга (ТИФ ТН коди 8425 11 000 0, 8425 42 000 0, 8425 49 000 0) божхона божининг ноль ставкаси қўлланилсин.

14. Белгилансинки, 2026 йил 1 январга қадар:

«Ўзбекистон темир йўллари» АЖ ва унинг таркибидаги корхоналарга ўзаро тўғридан-тўғри шартномалар асосида товарларни сотиш, ижарага бериш, харид қилиш, етказиш, иш (хизмат)ларни бажаришга;

«Ўзбекистон темир йўллари» АЖга, истисно тариқасида, ишлаб чиқарувчи корхоналар ва уларнинг расмий дилерлари (дистрибьюторлари) билан тўғридан-тўғри шартномалар асосида ҳаракат таркибини ишлаб чиқариш ва таъмирлаш учун зарур бўладиган асбоб-ускуналар, товар (иш, хизмат)лар, бутловчи ва эҳтиёт қисмлар, темир йўлларни таъмирлаш, қуриш учун зарур бўлган эҳтиёт қисмлар ва техникалар ҳамда дастурий маҳсулотларни харид қилишга рухсат берилади.

15. Иқтисодиёт ва молия вазирлиги, Транспорт вазирлиги ва «Ўзбекистон темир йўллари» АЖга 2026 йил 1 январга қадар темир йўл транспорти соҳасини ислоҳ қилиш доирасида халқаро экспертларни, консалтинг, аудиторлик ва инвестиция маслаҳатчиларини, инвестиция банклари ва бошқа ихтисослашган компанияларни, истисно тариқасида, энг яхши таклифларни саралаб олиш орқали тўғридан-тўғри шартномалар асосида жалб этишга рухсат этилсин. Бунда, улар билан тузиладиган шартномаларни ва шартномага оид қўшимча келишувларни мажбурий экспертизадан ўтказиш талаб этилмайди.

16. Темир йўл транспорти соҳасида ислоҳотларни мувофиқлаштириш бўйича идоралараро комиссия:

бир ой муддатда белгиланган устувор вазифаларга мувофиқ темир йўл транспорти соҳасида ислохотларни амалга ошириш, жумладан «Ўзбекистон темир йўллари» АЖни трансформация қилиш бўйича чора-тадбирлар тасдиқланишини таъминласин;

«Ўзбекистон темир йўллари» АЖ томонидан хусусий вагон ва контейнер операторларига темир йўл инфратузилмаси ва локомотив хизматлари тенг ҳуқуқ асосида кўрсатилишини қатъий назорат қилсин.

17. Ўзбекистон Республикаси Президентининг айрим қарорларига 12-иловага мувофиқ ўзгартиришлар киритилсин.

18. Транспорт вазирлиги манфаатдор вазирлик ва идоралар билан биргаликда уч ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

19. Мазкур қарорнинг ижросини самарали ташкил қилишга масъул ва шахсий жавобгар этиб Бош вазир ўринбосарлари А.Ж. Раматов ва Ж.А. Қўчқоров ҳамда транспорт вазири И.Р. Маҳкамов белгилансин.

Қарор ижросини муҳокама қилиб бориш, масъул ташкилотлар фаолиятини мувофиқлаштириш ва назорат қилиш Ўзбекистон Республикасининг Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2023 йил 10 октябрь,
ПҚ–329-сон

Ўзбекистон Республикаси
Президентининг 2023 йил 10 октябрдаги
ПҚ–329-сон қарорига
11-ИЛОВА

**Темир йўл транспорти секторини ислоҳ қилиш ва янада
ривожлантириш жараёнларида иштирок этувчи мутасадди
ташкилотлар ва уларнинг асосий
ВАЗИФАЛАРИ**

Транспорт вазирлиги — темир йўл транспорти соҳасида ягона давлат сиёсатини юритади, темир йўл транспортида хавфсизликни назорат қилади, соҳада изчил ислоҳотларни амалга оширишга масъул ҳисобланади;

Иқтисодиёт ва молия вазирлиги — темир йўл транспорти соҳасидаги ислоҳотларни амалга ошириш даврида вазирлик ва идоралар фаолиятини мувофиқлаштиради ҳамда «Ўзбекистон темир йўллари» АЖни трансформация қилиш учун жавобгар ҳисобланади;

Рақамли технологиялар вазирлиги — «Ўзбекистон темир йўллари» АЖда рақамли трансформация жараёнларини жадаллаштириш ва уларни мувофиқлаштириш бўйича масъул ҳисобланади;

Вазирлар Маҳкамаси ҳузуридаги Идоралараро тариф комиссияси — темир йўл инфратузилмаси ва локомотивлардан фойдаланиш учун тарифларни тартибга солади;

Рақобатни ривожлантириш ва истеъмолчилар ҳуқуқларини ҳимоя қилиш қўмитаси — темир йўл транспорти соҳасида рақобатни ривожлантириш бўйича чоралар кўради ҳамда соҳа субъектлари фаолиятини монополияга қарши тартибга солади;

«Ўзбекистон темир йўллари» АЖ — республикада умумий фойдаланишдаги темир йўл транспорти инфратузилмаси ва ташиш жараёнини таъминлаш оператори ҳисобланади.

Ўзбекистон Республикаси
Президентининг 2023 йил 10 октябрдаги
ПҚ–329-сон қарорига
12-ИЛОВА

Ўзбекистон Республикаси Президентининг айрим қарорларига киритилаётган ўзгартиришлар

1. Ўзбекистон Республикаси Президентининг 2017 йил 13 январдаги «Шарфункўмир» УКни модернизация қилиш ва лойиҳа қувватини йилига 900 минг тоннагача тошкўмир қазиб олишга етказиш» инвестиция лойиҳасини амалга ошириш чора-тадбирлари тўғрисида»ги ПҚ–2727-сон қарорига:

а) тегишли келишиқдаги «Ўзбеккўмир» УК» ва «Шарфункўмир» УК» сўзлари тегишинча тегишли келишиқдаги «Ўзбеккўмир» АЖ» ва «Шарфункўмир» АЖ» сўзлари билан алмаштирилсин;

б) 4-банднинг иккинчи ва учинчи хатбошилари қуйидаги тахрирда баён этилсин:

«ХХР Эқсимбанкининг жалб этиладиган заёми бўйича «Шарфункўмир» АЖ қарз олувчи ҳамда заёмдан мақсадли ва самарали фойдаланиш учун масъул бўлган ижро органи ҳисобланади;

инвестиция лойиҳасини амалга ошириш доирасида ХХР Эқсимбанкининг жалб этиладиган ва «Ўзсаноатқурилишбанк» АТБ томонидан қайта молиялаштириладиган заёмини қайтариш ҳамда хизмат кўрсатиш билан боғлиқ харажатлар «Ўзбеккўмир» АЖ ва «Шарфункўмир» АЖнинг ўз маблағлари ҳисобидан амалга оширилади»;

в) 8-банднинг биринчи хатбошиси қуйидаги тахрирда баён этилсин:

«8. «Ўзбеккўмир» АЖ ва «Шарфункўмир» АЖга инвестиция лойиҳасини амалга ошириш доирасида истисно тариқасида»;

г) 10-банднинг иккинчи хатбошисидан, 11-банднинг иккинчи ва олтинчи хатбошиларидан, 13-банднинг биринчи хатбошисидан, 15 ва 16-бандлардан, 17-банднинг биринчи хатбошисидан «Ўзбекистон темир йўллари» АЖ,» сўзлари чиқариб ташлансин.

2. Ўзбекистон Республикаси Президентининг 2020 йил 12 августдаги «Кимё ва биология йўналишларида узлуксиз таълим сифатини ва илм-фан натижадорлигини ошириш чора-тадбирлари тўғрисида»ги ПҚ–4805-сон қарорига 6-илованинг 6-позицияси «Амалга ошириладиган ишлар» устунидан «1. Тошкент-Самарқанд темир йўл участкасида электр таъминоти қурилмаларини бошқариш SCADA тизимини ишлаб чиқиш» сўзлари чиқариб ташлансин.

3. Ўзбекистон Республикаси Президентининг 2022 йил 18 мартдаги ПҚ–168-сон қарори билан тасдиқланган Хўжалик жамиятлари устав капиталидаги хусусийлаштириладиган акция пакетлари (улушлари) рўyxатининг 3-позицияси чиқариб ташлансин.

4. Ўзбекистон Республикаси Президентининг 2022 йил 6 июлдаги «2022 — 2026 йилларда Ўзбекистон Республикасининг инновацион ривожланиш стратегиясини амалга ошириш бўйича ташкилий чора-тадбирлар

тўғрисида»ги ПҚ–307-сон қарорига 3-илованинг 225-позицияси ва 4-илованинг 158-позицияси чиқариб ташлансин.

5. Ўзбекистон Республикаси Президентининг 2022 йил 2 декабрдаги «2030 йилгача Ўзбекистон Республикасининг «яшил» иқтисодиётга ўтишига қаратилган ислохотлар самарадорлигини ошириш бўйича чора-тадбирлар тўғрисида»ги ПҚ–436-сон қарорига 3-илованинг 64-позицияси «Ижро муддати» устунидаги «2023 йил сентябрь» сўзлари «2023 йил ноябрь» сўзлари билан алмаштирилсин.

6. Ўзбекистон Республикаси Президентининг 2023 йил 24 мартдаги ПҚ–102-сон қарори билан тасдиқланган Оммавий савдолар орқали тўлиқлигича сотиладиган корхоналарнинг акция пакетлари (улушлари) рўйхатининг 48-позицияси чиқариб ташлансин.

7. Ўзбекистон Республикаси Президентининг 2023 йил 1 апрелдаги «Сув ресурсларидан фойдаланиш самарадорлигини ошириш бўйича кечиктириб бўлмайдиган чора-тадбирлар тўғрисида»ги ПҚ–107 сон қарори 6-бандининг биринчи хатбошисидаги «2023 йил 1 октябрга қадар» сўзлари «2023 йил 31 декабрга қадар» сўзлари билан алмаштирилсин.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**420** Йўл хўжалиги соҳасини янада такомиллаштириш чора-тадбирлари тўғрисида*

Йўл хўжалигини бошқаришнинг замонавий тизимини яратиш ва рақамлаштириш, соҳада сифат назоратини кучайтириш ва манфаатлар тўқнашувининг олдини олиш, хусусий сектор корхоналарини кенг жалб қилиш учун шароит яратиш ҳамда бюджет маблағларидан фойдаланиш самарадорлигини ошириш мақсадида:

1. Қуйидагилар йўл хўжалиги соҳасини ислоҳ қилиш ва янада ривожлантириш жараёнларининг асосий иштирокчилари ва уларнинг вазифалари этиб белгилансин:

Транспорт вазирлиги — йўл хўжалиги соҳасида ягона давлат сиёсатини юритади, кадрлар тайёрлаш, илғор хорижий тажрибалар асосида стандартларни жорий этиш ва назорат тизимини такомиллаштиришни таъминлайди ҳамда соҳада изчил ислохотларни амалга оширади;

Транспорт вазирлиги ҳузуридаги Автомобиль йўллари қўмитаси — автомобиль йўллари ва сунъий иншоотларни лойиҳалаштириш, қуриш, реконструкция қилиш, таъмирлаш ҳамда умумий фойдаланишдаги автомобиль йўлларини сақлаш ва табиий офатларнинг олдини олиш, уларнинг оқибатларини бартараф этиш бўйича ягона буюртмачи ҳисобланади, умумий фойдаланишдаги автомобиль йўлларини таъмирлаш, сақлаш ва жиҳозлаш, йўл бўйи инфратузилмасини ривожлантириш ишларини амалга оширади ҳамда йўл хўжалиги соҳасига замонавий технологияларни жорий этади;

Транспорт назорати инспекцияси — йўл-қурилиш объектларида шаҳарсозлик тўғрисидаги қонунчилик ҳужжатлари ҳамда техник жиҳатдан тартибга солиш соҳасидаги норматив ҳужжатлар талабларига риоя этилиши ҳамда автотранспорт воситаларининг рухсат этилган вазн ва габарит параметрларига риоя этилиши устидан давлат назоратини амалга оширади;

маҳаллий ҳокимликлар — шаҳарлар ва бошқа аҳоли пунктлари кўчалари ҳамда ички хўжалик йўлларини сақлаш, умумий фойдаланишдаги автомобиль йўллари, шаҳарлар ва бошқа аҳоли пунктлари кўчалари ҳамда ички хўжалик йўллари бўйларини кўкаламзорлаштириш ва ободонлаштириш ҳамда йўл бўйи инфратузилмасини ривожлантириш ишларини амалга оширади;

муस्ताқил муҳандис консультантлар — йўл қурилиши объектларида лойиҳани муҳандислик бошқариш ва техник назорат қилиш ишларини Халқаро муҳандис-консультантлар федерацияси (FIDIC) амалиёти ва ҳужжатларига мувофиқ амалга оширади;

лойиҳа ва пудрат ташкилотлари — «Шаффоф қурилиш» миллий ахборот тизими ҳамда Давлат харидлари электрон тизими орқали ўтказиладиган харид қилиш тартиб-таомиллари яқунлари бўйича умумий фойдаланишдаги автомобиль йўлларини лойиҳалаштириш, қуриш ва реконструкция қилиш, шу-

* Ушбу қарор «Қонунчилик маълумотлари миллий базаси»да 2023 йил 16 октябрда эълон қилинган.

нингдек, шаҳарлар ва бошқа аҳоли пунктлари кўчаларини лойиҳалаштириш, қуриш, реконструкция қилиш ва таъмирлаш ишларини амалга оширади;

Ички ишлар вазирлиги Жамоат хавфсизлиги департаментининг Йўл ҳаракати хавфсизлиги хизмати — йўл ҳаракати қатнашчиларининг йўл ҳаракати хавфсизлигига рияз этиши устидан назоратни амалга оширади, шаҳарлар ва бошқа аҳоли пунктлари кўчаларини йўл ҳаракатини тартибга солиш воситалари билан жиҳозлаш ишларини таъминлайди, шунингдек, умумий фойдаланишдаги автомобиль йўлларини йўл ҳаракатини тартибга солиш воситалари билан жиҳозлаш ишларини ўрнатилган тартибда мувофиқлаштиради.

2. Йўл ишларига ажратилаётган маблағлардан фойдаланиш самарадорлигини ошириш мақсадида шундай тартиб ўрнатилсинки, унга мувофиқ 2024 йил 1 январдан бошлаб:

автомобиль йўлларида бажариладиган иш турлари қуриш ва реконструкция қилиш, таъмирлаш ҳамда сақлашдан иборат бўлади;

лойиҳа-смета ҳужжатларини тайёрлаш, йўл-қурилиш ишларини амалга ошириш, шунингдек, уларни қабул қилиб олишда ҳажм ва сифат кўрсаткичларини назарда тутадиган тизим («ҳажм услуги») жорий этилади;

автомобиль йўлларини қуриш ва реконструкция қилиш ишлари якунланган объектларнинг асосий конструктив элементлари бўйича камида уч йиллик кафолатли хизмат қилиш муддати жорий қилинади;

йилнинг ҳарорат юқори бўлган вақтларида автомобиль йўлларида юк ташувчи транспорт воситалари ва автопоезд (тиркама)ларнинг (махсус транспорт воситаларидан ташқари) ҳаракатланишига мавсумий чекловлар ўрнатилади.

3. Транспорт вазирлиги ва Автомобиль йўллари қўмитасининг қуйидаги тақлифлари маъқуллансин:

а) халқаро аҳамиятдаги М39 «Тошкент — Термиз» автомобиль йўлининг «Тошкент — Чиноз» йўналишидаги 817 — 827 км қисмини илғор хорижий технологиялар ва замонавий халқаро стандартлар асосида цемент-бетон қоплама қурган ҳолда реконструкция қилиш лойиҳасини амалга ошириш ишларини жорий йилда бошлаш;

б) халқаро молия институтлари иштирокидаги лойиҳалар доирасида автомобиль йўлларини, шу жумладан умумий фойдаланишдаги автомобиль йўлларини юқори тезликда ҳаракатланишга оид халқаро талабларга мувофиқ лойиҳалаштириш, қуриш ва реконструкция қилиш ишларини амалга ошириш ҳамда келгусида ушбу йўлларга муқобил йўллар мавжуд бўлганда, Вазирлар Маҳкамаси қарори билан «пуллик йўллар» тоифасига ўтказиш.

Бунда, «пуллик йўллар»дан олинган даромадларни тақсимлаш ва ушбу йўлларни бошқариш масалалари Вазирлар Маҳкамаси томонидан белгиланади;

в) 2024 — 2026 йилларда Ўзбекистон Республикасининг ижтимоий ва ишлаб чиқариш инфратузилмасини ривожлантириш дастурини шакллантиришда умумий фойдаланишдаги автомобиль йўллари, кўприклар ва сунъий иншоотларни қуриш, реконструкция қилиш бўйича аввалги йиллардан ўтиб келаётган объектларни устувор равишда якунлашни назарда тутиш;

г) янгидан бошланадиган умумий фойдаланишдаги автомобиль йўллари, кўприклар ва сунъий иншоотларни қуриш, реконструкция қилиш объектларини молиялаштиришни асосан халқаро молия институтлари маблағлари ҳисобига амалга ошириш.

Бунда, 2024 йилдан бошлаб ҳар йили халқаро молия институтларидан умумий фойдаланишдаги автомобиль йўллари, кўприклар ва сунъий иншоотларни қуриш, реконструкция қилиш объектларига 300 млн АҚШ долларидан кам бўлмаган миқдорда кредитлар жалб қилиб бориш;

д) автомобиль йўллари қуриш ва реконструкция қилиш ишлари бўйича лойиҳаларнинг техник топшириқларини мажбурий равишда Транспорт ва-зирлигининг соҳавий илмий-техник кенгашига киритиш.

4. Шундай тартиб ўрнатилсинки, унга мувофиқ 2025 йил 1 январдан бошлаб янгидан бошланадиган йўл-қурилиш объектларида лойиҳани муҳандислик бошқариш ва техник назорат қилиш ишлари аутсорсинг шартлари асосида Халқаро муҳандислар-консультантлар федерацияси (FIDIC) амалиёти ва ҳужжатларига мувофиқ мустақил ташкилотлар, шу жумладан хусусий сектор томонидан амалга оширилади.

5. Қуйидагилар:

Йўл ҳўжалиги тизимини янада такомиллаштириш бўйича «Йўл харитаси» 1-иловага* мувофиқ;

Пуллик автомобиль йўллари ташкил этишнинг истиқболли лойиҳалари рўйхати 2-иловага* мувофиқ;

Халқаро молия институтлари ва хорижий ҳукумат молия ташкилотлари ҳамда бошқа кредит муассасалари маблағлари ҳисобига автомобиль йўллари қуриш, реконструкция қилиш ва таъмирлаш бўйича амалга ошириладиган лойиҳалар рўйхати 3-иловага* мувофиқ;

2023 — 2026 йилларда кўприк иншоотларини тиклаш Дастури 4-иловага ва уни амалга ошириш бўйича ҳар бир ҳудуд кесимидаги асосий параметрлар 4.1 — 4.13-иловаларга* мувофиқ ҳамда 2023 — 2026 йилларда автомобиль йўллари қуриш, реконструкция қилиш ва таъмирлаш Дастури (кейинги ўринларда — Дастурлар) 5-иловага мувофиқ ва уни амалга ошириш бўйича ҳар бир ҳудуд кесимидаги асосий параметрлар 5.1 — 5.14-иловаларга* мувофиқ;

2023 — 2026 йиллар давомида Қорақалпоғистон Республикаси ва вилоятлар бўйича йўл инфратузилмасини комплекс такомиллаштириш параметрлари 6-иловага* мувофиқ;

2023 — 2026 йиллар давомида Қорақалпоғистон Республикаси ва вилоятлар бўйича йўл бўйи инфратузилмасини ривожлантириш параметрлари 7-иловага* мувофиқ;

2023 — 2026 йилларда умумий фойдаланишдаги автомобиль йўллари кўкаламзорлаштириш ишларининг йиғма параметрлари 8-иловага мувофиқ ҳамда 2023 — 2026 йилларда умумий фойдаланишдаги автомобиль йўллари бўйида «яшил белбоғ» ташкил этиладиган объектларнинг манзилли рўйхати 8.1-иловага* мувофиқ тасдиқлансин.

* 1 — 8.1-иловалар «Қонунчилик маълумотлари миллий базаси»да эълон қилинган.

6. Транспорт вазирлиги, Қурилиш ва уй-жой коммунал хўжалиги вазирлиги 2023 йил 31 декабрга қадар Давлат бюджети маблағлари ҳисобидан автомобиль йўллари, кўприклар ва сунъий иншоотларни лойиҳалаштириш (шу жумладан, техник-иқтисодий асосларини ишлаб чиқиш), қуриш ва реконструкция қилиш бўйича лойиҳа-қидирув ҳамда қурилиш-пудрат ташкилотларини «Шаффоф қурилиш» миллий ахборот тизимида баҳолаш мезонлари тақомиллаштирилишини таъминласин.

Бунда, Автомобиль йўллари қўмитаси буюртмачи бўлган объектларни лойиҳалаштириш, қуриш, реконструкция қилиш ва таъмирлаш ишларига ўтказиладиган тендерларда Қўмитанинг тизим корхоналарининг иштирок этишига рухсат берилсин.

7. Ўзбекистон Республикасининг «Автомобиль йўллари тўғрисида»ги Қонунига мувофиқ шаҳарлар ва бошқа аҳоли пунктларининг кўчалари ҳамда хўжаликлараро қишлоқ автомобиль йўллари маҳаллий давлат ҳокимияти органлари тасарруфида бўлиши маълумот учун қабул қилинсин.

Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари:

шаҳарлар ва бошқа аҳоли пунктлари кўчалари ҳамда ички хўжалик йўлларини лойиҳалаштириш, қуриш, реконструкция қилиш, таъмирлаш, сақлаш, кўкаламзорлаштириш, ободонлаштириш ва суғориш тизимлари билан таъминлаш ҳамда йўл бўйи инфратузилмасини ривожлантириш ишларини амалга ошириш учун маҳаллий бюджет маблағлари ҳисобидан тизимли равишда маблағ ажратиб борилишини;

автомобиль йўлларининг йўл бўйи минтақаларида сервис объектларини жойлаштириш ҳамда ажратилган минтақаларда яшил ҳудудларни барпо этиш ва уларни лозим даражада сақлаш бўйича жисмоний ва юридик шахслар билан ўзаро манфаатли ҳамкорлик амалга оширилишини;

маҳалла фуқаролар йиғинлари билан биргаликда таъмирланган ички хўжалик йўлларини асраш, уларнинг шикастланишининг олдини олиш чораларини кўриш, йўлларнинг атрофини кўкаламзорлаштириш ва ободонлаштириш ишлари амалга оширилишини;

умумий фойдаланишдаги автомобиль йўллари, шаҳарлар ва бошқа аҳоли пунктлари кўчаларининг ажратилган йўл бўйи минтақаларида ноқонуний қурилган бино-иншоотларнинг 2024 йил якунига қадар ўрнатилган тартибда босқичма-босқич кўчирилишини ҳамда ажратилган йўл бўйи минтақалари ташқарисида жойлашган бино-иншоотларга кириб-чиқиш йўлларининг шаҳарсозлик нормаларига мос равишда қайта қурилишини таъминласин.

Иқтисодиёт ва молия вазирлиги икки ой муддатда шаҳарлар ва бошқа аҳоли пунктлари кўчалари ҳамда ички хўжалик йўлларини лойиҳалаштириш, қуриш, реконструкция қилиш, таъмирлаш, сақлаш, кўкаламзорлаштириш ва ободонлаштириш, суғориш тизимларини барпо этиш, йўл бўйи инфратузилмасини ривожлантириш тадбирларини тизимли равишда маҳаллий бюджет маблағлари ҳисобидан молиялаштиришнинг аниқ механизмини ишлаб чиқсин ва тасдиқлаш учун Вазирлар Маҳкамасига киритсин.

8. Умумий фойдаланишдаги автомобиль йўллари бўйида яшил ҳудудлар-

ни барпо этиш доирасида Автомобиль йўллари қўмитаси таркибидаги «Ўз йўл кўкаламзорлаштириш» давлат муассасасининг ҳудудий бўлинмалари 9-иловага* мувофиқ Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари тасарруфига ўтказилсин.

9. Адлия вазирлиги Экология, атроф-муҳитни муҳофаза қилиш ва иқлим ўзгариши вазирлиги, Транспорт вазирлиги билан биргаликда уч ой муддатда автомобиль йўллари бўйида юридик ва жисмоний шахслар билан ўзаро манфаатли ҳамкорлик асосида яшил ҳудудларни барпо этиш тартибини Вазирлар Маҳкамасига киритсин.

10. Транспорт вазирлиги ҳамда Иқтисодиёт ва молия вазирлиги:

Қорақалпоғистон Республикаси Вазирлар Кенгаши ва вилоят ҳокимликлари билан биргаликда 2024 йил 1 январдан бошлаб тажриба-синов тариқасида Қорақалпоғистон Республикаси ва вилоятларда узунлиги 20 кмгача бўлган умумий фойдаланишдаги автомобиль йўлларини эксплуатация қилиш ишларига аутсорсинг асосида хусусий секторни жалб қилиш лойиҳаларини 10-иловага* мувофиқ;

Осиё инфратузилма инвестициялари банкидан жалб қилинадиган имтиёзли кредит маблағлари ҳисобидан Қорақалпоғистон Республикаси ва Хоразм вилоятида умумий фойдаланишдаги автомобиль йўллари бўйича лойиҳаларни «лойиҳалаш — қуриш — эксплуатация қилиш» услубини жорий қилган ҳолда 11-иловага* мувофиқ амалга оширсин;

мазкур бандда қайд этилган лойиҳалар муваффақиятли амалга оширилган тақдирда, мазкур тажрибани республикада кенг жорий қилиш бўйича Вазирлар Маҳкамасига таклиф киритсин.

11. Иқтисодиёт ва молия вазирлиги Автомобиль йўллари қўмитаси билан биргаликда:

умумий фойдаланишдаги автомобиль йўлларини эксплуатация қилиш харажатларига ажратиладиган маблағларни амалдаги меъёрий ҳужжатларда кўзда тутилган талабларга нисбатан 2024 йилда 40 фоизга, келгуси 5 йилда 80 фоизга етказишни ҳамда Давлат бюджети параметрларини шакллантиришда ушбу миқдордан кам бўлмаган маблағлар ажратилишини таъминласин;

Автомобиль йўллари қўмитаси корхоналари томонидан бажарилган йўл ишлари натижасида юзага келган 1,4 трлн сўм миқдоридаги дебиторлик қарздорликлар босқичма-босқич тўланиши бўйича Вазирлар Маҳкамасига таклиф киритсин.

12. Автомобиль йўллари қўмитасининг марказий аппарати тузилмасига раиснинг йўл хўжалиги соҳасига илғор хорижий тажрибаларни татбиқ этиш ва рақамлаштириш масалалари бўйича ўринбосари лавозими киритилсин ҳамда соҳага илғор хорижий тажрибаларни татбиқ этиш бўйича тегишли бошқарма ташкил этилсин.

Бунда, ушбу штат бирликлари «Ўзйўлкўкаламзорлаштириш» давлат муассасасининг тугатилиши назарда тутилган штат бирликлари ҳисобидан ажратилсин.

* 9 — 11-иловалар «Қонунчилик маълумотлари миллий базаси»да эълон қилинган.

Автомобиль йўллари қўмитасининг ташкилий тузилмаси 12-иловага* мувофиқ тасдиқлансин.

13. Автомобиль йўллари қўмитаси таркибида:

«Қўйлиқ кўприклар темир-бетон қурилмалари тажриба заводи», Қорақалпоғистон Республикаси ва вилоятлардаги «Кўприклардан фойдаланиш корхоналари» негизда давлат муассасаси шаклидаги «Ўзйўлкўприк» кластери ва унинг ҳудудий филиаллари;

«Йўл лойиҳа экспертиза», «Йўл хўжалиги соҳасидаги давлат активларини бошқариш ва ягона кадастр тизимини юритиш», «Автомобиль йўлларида транспорт воситаларининг хавфсиз ҳаракатини ташкил этиш ва мониторинг қилиш» марказлари негизда «Автомобиль йўллари техник ҳолати таҳлили ва ҳаракат хавфсизлиги маркази» давлат муассасаси ташкил этилсин.

14. Вазирлар Маҳкамаси икки ой муддатда рухсат этилган умумий массаси (юк билан) 44 тоннадан ортиқ бўлган N3 ва O4 тоифадаги транспорт воситаларининг (махсус транспорт воситалари ва карьер самосваллари бундан мустасно) йўлларда ҳаракатланиши ва импортини тартибга солишни назарда тутувчи қарорни қабул қилсин.

15. Белгилансинки:

2024 йилдан бошлаб хўжаликлараро қишлоқ автомобиль йўллари, шаҳарлар, шаҳар посёлкалари, қишлоқлар ва овуллар кўчаларини қуриш, реконструкция қилиш ва таъмирлаш учун бюджет маблағлари фақат «Менинг йўлим» дастури орқали ажратилади;

«Менинг йўлим» дастури доирасида хўжаликлараро қишлоқ автомобиль йўллари, шаҳарлар, шаҳар посёлкалари, қишлоқлар ва овуллар кўчаларини лойиҳалаштириш, қуриш, реконструкция қилиш ва таъмирлаш ишларига буюртмачи бўлиб Автомобиль йўллари қўмитаси таркибидаги Қорақалпоғистон Республикаси, вилоятлар ва Тошкент шаҳридаги минтақавий йўлларга буюртмачи хизматлари ҳисобланади

16. Автомобиль йўллари қўмитаси таркибидаги корхоналарнинг моддий-техника базасини мустаҳкамлаш мақсадида умумий қиймати 28,2 млн евро бўлган харид қилинадиган махсус йўл техникалари рўйхати 13-иловага* мувофиқ тасдиқлансин.

«Ўзмиллийбанк» АЖ, Иқтисодиёт ва молия вазирлиги, Инвестициялар, саноат ва савдо вазирлиги, Транспорт вазирлиги, Автомобиль йўллари қўмитаси бир ой муддатда:

махсус йўл техникаларининг Автомобиль йўллари қўмитаси таркибидаги «Ўзйўлбутлаш» республика таъминот бошқармаси орқали Германиянинг нуфузли компанияларидан харид қилинишини;

лойиҳа қийматининг 85 фоизини Германия Федератив Республикаси банкларининг имтиёзли кредит маблағлари ҳисобидан, 15 фоизини Ўзбекистон Республикасининг 2024 йил учун ижтимоий ва ишлаб чиқариш инфратузилмасини ривожлантириш дастури доирасида ушбу мақсадлар учун ажратиладиган маблағлар ҳисобидан молиялаштириш тартибини белгиловчи қарор лойиҳасини Вазирлар Маҳкамасига киритсин.

* 12-13-иловалар «Қонунчилик маълумотлари миллий базаси»да эълон қилинган.

17. Транспорт вазирлиги ва Автомобиль йўллари қўмитасининг барча манбалар ҳисобидан амалга ошириладиган автомобиль йўлларини қуриш ва реконструкция қилиш объектларида йўл қопламалари конструкцияларига замонавий материаллар ва технологияларни қўллаган ҳолда қийматни оптималлаштириш ҳисобига ҳамда тендер натижаларига кўра иқтисод қилинган маблағларни таъмирталаб йўлларга йўналтириш тўғрисидаги таклифига розилик берилсин.

Бунда:

транспорт вазири И.Р. Махкамов ва Автомобиль йўллари қўмитаси раиси Ж.Ю. Турсунов, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари автомобиль йўлларини қуриш, реконструкция қилиш ва таъмирлаш ишларини лойиҳалашда, техник топшириқ шартларини ишлаб чиқишда намунавий андозалардан воз кечилиб, ҳар бир лойиҳага алоҳида ёндашув асосида уларнинг қимматлашувининг олдини олишга;

қурилиш ва уй-жой коммунал хўжалиги вазири Б.И. Зокиров автомобиль йўлларини қуриш, реконструкция қилиш ва таъмирлаш ишлари лойиҳаларини давлат экспертизасидан ўтказишда йўл қопламалари конструкцияларига замонавий материаллар ва технологияларни қўллаган ҳолда қийматни оптималлаштиришга алоҳида эътибор қаратсин.

18. Белгилансинки:

Автомобиль йўллари қўмитасининг идоравий мансуб корхона ва ташкилотлари ўртасида товарларни сотиш, харид қилиш ва етказиб бериш, хизматлар кўрсатиш ҳамда ишларни бажариш танлов ва тендер савдолари ўтказмасдан амалга оширилади (бююртмачилик функцияларини бажариш билан боғлиқ шартномалар бундан мустасно);

Автомобиль йўллари қўмитасининг идоравий мансуб корхона ва ташкилотлари ўртасида асосий воситаларнинг беғараз ўтказилишида (олинишида ва берилишида) улар фойда солиғи тўлашдан озод этилади;

Автомобиль йўллари қўмитаси таркибидаги корхона ва ташкилотларнинг 2022 — 2023 йиллар якунлари ва келгуси йиллардаги молия-хўжалик фаолияти бўйича соф фойдаси миқдори тўлиқлигича тизим корхона ва ташкилотлари тасарруфида қолдирилади ҳамда устувор равишда уларнинг моддий-техника базасини ривожлантириш учун йўналтирилади.

19. Иқтисодиёт ва молия вазирлиги, Транспорт вазирлигининг Автомобиль йўллари қўмитаси таркибига кирувчи корхона ва ташкилотларнинг Ўзбекистон Республикаси Давлат бюджетига 2023 йил 1 октябрь ҳолатига кўра мавжуд қарздорликларини, жумладан ҳисобланган пеня ва жарималарни, шунингдек, ундирилиши умидсиз бўлган қарздорликларини ва пудрат шартномалари бўйича автомобиль йўлларини қуриш, реконструкция қилиш ва таъмирлаш объектларининг фойдаланишга ўз вақтида топширилмаганлиги сабабли ҳисобланган пеня ва жарима санкцияларини кечиш тўғрисидаги таклифи маъқуллансин.

20. Ўзбекистон Республикаси Президентининг ва Ўзбекистон Республикаси Ҳукуматининг айрим ҳужжатларига 14-иловага* мувофиқ ўзгартириш ва қўшимчалар киритилсин.

* 14-илова «Қонунчилик маълумотлари миллий базаси»да эълон қилинган.

21. Транспорт вазирлиги манфаатдор вазирлик ва идоралар билан биргаликда икки ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

22. Қўйидагиларга:

Бош вазир ўринбосари А.Ж. Рамаатовга — Дастурлар ва «йўл харитаси»да белгиланган чора-тадбирларни муддатида ва сифатли амалга оширилишининг мувофиқлаштирилиши, жумладан аввалги йиллардан ўтиб келаётган объектларнинг белгиланган муддатларда фойдаланишга топширилиши ҳамда йўл-қурилиш объектларига ажратилаётган маблағлардан самарали фойдаланиш юзасидан;

Бош вазир ўринбосари Ж.А. Қўчқоровга — Дастурлар, «йўл харитаси» ва умумий фойдаланишдаги автомобиль йўлларини кўкаламзорлаштириш ишлари йиғма параметрлари, пуллик автомобиль йўлларини ташкил этиш лойиҳалари ижросини таъминлаш ҳамда эксплуатация қилиш харажатлари учун Давлат бюджетидан зарур маблағларнинг белгиланган муддатларда ва тўлиқ ҳажмларда ажратилиши юзасидан;

Бош прокурор ўринбосари С.И. Самадовга — Дастурлар ва ҳудудлар кесимидаги асосий параметрлар доирасида маблағларнинг мақсадли ажратилиши ва сарфланиши устидан доимий назорат ўрнатиш юзасидан;

транспорт вазири И.Р. Маҳкамовга — Дастурлар ва «йўл харитаси»да белгиланган чора-тадбирларнинг ўз муддатида ва сифатли амалга оширилиши, жумладан илғор хорижий тажрибалар асосида стандартларни жорий этиш, автомобиль йўлларини қуриш, реконструкция қилиш ва таъмирлаш ишларида сифат назоратининг Халқаро муҳандислар-консультантлар федерацияси (FIDIC) амалиёти ва ҳужжатларига мувофиқ амалга оширилиши юзасидан;

инвестициялар, саноат ва савдо вазири Л.Ш. Қудратовга — Дастурлар, «йўл харитаси», пуллик автомобиль йўлларини ташкил этиш лойиҳалари, халқаро молия институтлари ва хорижий ҳукумат молия ташкилотлари ҳамда бошқа кредит муассасалари маблағлари ҳисобига автомобиль йўлларини қуриш, реконструкция қилиш ва таъмирлаш бўйича амалга ошириладиган лойиҳалар учун хорижий инвестиция ва имтиёзли кредит маблағларининг белгиланган муддатларда жалб этилиши юзасидан;

ички ишлар вазири П.Р. Бобожоновга — Дастурлар ва «йўл харитаси»да белгиланган чора-тадбирларнинг ўз муддатида ва сифатли амалга оширилиши, жумладан автомобиль йўлларида юк ташувчи транспорт воситалари ҳаракатланишида ўрнатиладиган чекловларга риоя этилиши ҳамда йўл ҳаракати қатнашчиларининг ҳаракат хавфсизлиги устидан назорат амалга оширилиши юзасидан;

Автомобиль йўллари қўмитаси раиси Ж.Ю. Турсуновга — Дастурлар ва «йўл харитаси»да белгиланган чора-тадбирларнинг ўз муддатида ҳамда сифатли амалга оширилиши, соҳага илғор рақамли технологиялар жорий этилиши, автомобиль йўлларини лойиҳалаштириш, қуриш, реконструкция қилиш ва таъмирлаш объектлари таннархи оптималлаштирилиши, йўллар-

нинг жиҳозланиши, кадрлар тайёрланиши, йўл ҳўжалиги соҳасига оид норматив-хукуқий база такомиллаштирилиши юзасидан;

Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимларига — Дастурлар ва ҳудудлар кесимидаги асосий параметрлар, «йўл харитаси»да белгиланган чора-тадбирлар, автомобиль йўллари бўйини кўкаламзорлаштириш ишлари йиғма параметрлари ижросининг белгиланган муддатларда ва сифатли бажарилиши ҳамда маҳаллий бюджетлардан талаб этиладиган маблағларнинг ўз муддатида ва тўлиқ ҳажмда ажратиб борилиши юзасидан шахсий масъулият юклансин.

23. Мазкур қарорнинг ижросини самарали ташкил қилишга масъул ва шахсий жавобгар этиб Бош вазир ўринбосари А.Ж. Раматов, транспорт вазири И.Р. Махкамов ва Автомобиль йўллари қўмитаси раиси Ж.Ю. Турсунов белгилансин.

Қарор ижросини муҳокама қилиб бориш, масъул ташкилотлар фаолиятини мувофиқлаштириш ва назорат қилиш Ўзбекистон Республикасининг Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2023 йил 10 октябрь,
ПҚ–330-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**421 Чарм-пойабзал ва мўйначилик соҳаларида ислоҳотларни янада жадаллаштириш ва соҳанинг экспорт салоҳиятини ошириш чора-тадбирлари тўғрисида***

Чарм-пойабзал ва мўйначилик соҳаларини янада ривожлантириш, импорт ўрнини босувчи ва экспортга мўлжалланган юқори қўшилган қийматли маҳсулотлар ишлаб чиқаришни рағбатлантириш, шунингдек, жорий йилнинг 18 август куни ўтказилган Ўзбекистон Республикаси Президентининг тadbиркорлар билан очик мулоқоти доирасида белгиланган устувор вазифалар ижросини таъминлаш мақсадида:

1. Шундай тартиб ўрнатилсинки, унга мувофиқ ҳудудларда хом ашёни тўлиқ йиғиб олиш ва қайта ишлашга йўналтириш мақсадида терини қайта ишловчи корхоналар билан:

чорвачилик кластерлари ва чорва молларини сўйиш кушхоналари;

аҳолидан терини йиғувчи тadbиркорлик субъектлари ва ўзини ўзи банд қилган жисмоний шахслар ўртасида кооперация тизими жорий қилинади.

Қорақалпоғистон Республикаси Вазирлар Кенгаши ва вилоятлар ҳокимликлари, Ветеринария ва чорвачиликни ривожлантириш қўмитаси ҳамда «Ўзчармсаноат» уюшмаси ушбу кооперация тизимининг биринчи навбатда 1-иловага* мувофиқ туманларда жорий қилинишини таъминласин.

«Ўзчармсаноат» уюшмаси Адлия вазирлиги билан биргаликда бир ҳафта муддатда терини қайта ишловчи ва уни етказиб берувчи ташкилотлар ўртасида тузиладиган намунавий шартномани ишлаб чиқиб, ўзининг расмий веб-сайтида жойлаштирсин.

2. Инвестицияларни жалб қилиш, саноатни ривожлантириш ва савдони тартибга солиш масалалари бўйича Ҳукумат комиссияси (Ж.А. Ходжаев) бир ой муддатда «Ўзчармсаноат» уюшмаси, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари ҳамда Инвестициялар, саноат ва савдо вазирлигининг масъулларини бириктирган ҳолда, 2023 — 2025 йилларда тери хом ашёсини чуқур қайта ишлаш негизида экспортга йўналтирилган юқори қўшилган қийматли тайёр маҳсулотлар ишлаб чиқариш бўйича инвестиция лойиҳалари дастурини тасдиқласин.

Белгилансинки, ушбу инвестиция лойиҳалари қуйидаги манбалар ҳисобидан молиялаштирилади:

Ветеринария ва чорвачиликни ривожлантириш қўмитаси томонидан Франция тараққиёт агентлиги иштирокидаги «Чорвачилик соҳасини барқарор ривожлантиришни молиялаштириш» ва Жаҳон банки иштирокидаги «Чорвачилик соҳасини ривожлантириш (2-босқич)» лойиҳалари доирасида халқаро молия ташкилотларидан жалб қилинган маблағлар ҳисобидан 100 миллион АҚШ доллари;

* Ушбу қарор «Қонунчилик маълумотлари миллий базаси»да 2023 йил 14 октябрда эълон қилинган.

** 1-илова «Қонунчилик маълумотлари миллий базаси»да эълон қилинган.

Инвестициялар, саноат ва савдо вазирлиги ҳамда «Ўзчармсаноат» уюшмаси томонидан Европа тикланиш ва тараққиёт банки ва бошқа халқаро молия институтлари ҳамда хорижий банкларнинг узоқ муддатли имтиёзли кредит линияларининг тижорат банклари орқали жалб қилинадиган 200 миллион АҚШ доллари;

Ўзбекистон Республикаси Президентининг 2022 йил 26 февралдаги «Чарм-пойабзал ва мўйначилик соҳаларида тайёр маҳсулот ишлаб чиқаришни қўллаб-қувватлашга доир қўшимча чора-тадбирлар тўғрисида»ги ПҚ–143-сон қарорининг тўртинчи банди билан тижорат банкларида очилган кредит линияларининг фойдаланилмаган қисмидан молиялаштириш тартиби ва шартларини сақлаб қолган ҳолда 40 миллион АҚШ доллари.

3. Чарм-пойабзал ва мўйначилик соҳасида инвестиция лойиҳалари учун ер майдонларини ажратиш тизимини соддалаштириш ва кичик саноат зоналари фаолиятини такомиллаштириш мақсадида:

а) чарм-пойабзал, мўйначилик ва ихтисослашган сўйиш корхоналари ташкил этиш учун ер майдонлари ажратилиши билан боғлиқ қишлоқ хўжалиги ва ўрмон хўжалиги ишлаб чиқариши нобудгарчиликларининг ўрнини қоплаш бўйича компенсация тўловлари, истисно тариқасида, корхоналар томонидан бир йил ичида ҳар ой тенг улушларда амалга оширилади;

б) ташкил этилган 16 та ихтисослашган чарм-пойабзал кичик саноат зоналарида жойлаштириладиган инвестиция лойиҳалари учун:

электрон онлайн аукцион савдоларига чиқариладиган ер участкаларининг бошланғич нархи 25 йил муддатдан келиб чиқиб, ҳисоб-китоб қилинади;

ер участкалари электрон онлайн аукцион савдоларига аниқланган бошланғич нархининг 10 фоизи миқдоридан чиқарилади;

электрон онлайн аукцион савдолари ғолиблари томонидан ер участкалари учун маблағлар 3 йил давомида тенг улушларда тўлаб берилади;

в) Тошкент вилоятининг Оҳангарон туманида ташкил этилган чарм-пойабзал кичик саноат зонасида марказлашган оқова сув тозалаш иншоотини қуриш учун Ўзбекистон Республикаси Президентининг 2023 йил 4 сентябрдаги «Ўзбекистон Республикаси Президентининг тадбиркорлар билан 2023 йилдаги очик мулоқотида белгиланган вазифаларни амалга ошириш чора-тадбирлари тўғрисида»ги ПҚ–292-сон қарорига асосан республика бюджетидан 10 йил муддатга 50 миллиард сўмгача ссуда ажратилади.

Бунда, терини қайта ишлаш корхоналари томонидан марказлашган оқова сув тозалаш иншоотини қуриш ва бошқариш учун тенг улушларда ягона корхона таъсис этилади ҳамда ушбу ссуда иккинчи йилдан бошлаб ягона корхона томонидан ҳар йили тенг улушларда республика бюджетига қайтариб берилади.

Иқтисодий ва молия вазирлиги мазкур мақсад учун зарур бўлган маблағларнинг ягона корхонага ажратилишини 2024 йил бюджет параметрларида кўзда тутсин.

Тошкент вилояти ҳокимлиги ва «Ўзчармсаноат» уюшмаси 2024 йил якуни билан марказлашган оқова сув тозалаш иншоотининг фойдаланишга топширилишини таъминласин.

4. Чарм-пойабзал ва мўйначилик соҳасида экспорт қилувчи корхоналарни янада қўллаб-қувватлаш мақсадида:

а) Ўзбекистон Республикасининг божхона чегараси орқали майда шохли молнинг ярим тайёр чармини (ТИФ ТН бўйича 4105, 4106 21 000 0 кодлари) олиб чиқишда 2025 йил 1 январга қадар йиғим ундирилмайди;

б) Экспортни қўллаб-қувватлаш жамғармасининг мавжуд ресурслари доирасида:

экспорттолди ва экспорт билан боғлиқ савдо операцияларини молиялаштириш учун охириги 12 ой мобайнида улар томонидан амалга оширилган экспорт ҳажмидан келиб чиққан ҳолда 2 йил муддатгача:

экспорт ҳажми 1 миллион АҚШ долларидан 2 миллион АҚШ долларигача бўлганда — 1 миллион АҚШ долларигача;

экспорт ҳажми 2 миллион АҚШ долларидан 4 миллион АҚШ долларигача бўлганда — 2 миллион АҚШ долларигача;

экспорт ҳажми 4 миллион АҚШ долларидан ортиқ бўлганда — 3 миллион АҚШ долларигача миқдорларда молиявий ресурслар ажратилади. Бунда, молиявий ресурслар йиллик 4 фоиз ставкадан (шундан 2 фоизи банк маржаси) ошмаган ҳолда тақдим этилади;

в) чарм-пойабзал ва мўйначилик соҳаси корхоналари томонидан хорижда савдо уйи ва дўконини ташкил этиш учун алоҳида қарорларсиз йилига 50 минг АҚШ долларигача маблағни чет элга ўтказишга рухсат берилади.

5. Чарм-пойабзал ва мўйначилик соҳаларида кадрлар тайёрлаш механизмларини янада такомиллаштириш мақсадида шундай тартиб ўрнатилсинки, унга мувофиқ:

юқори малакали тикувчи, бичувчи ва косибларни тайёрлашда «уста-шогирд» аънанаси асосида корхонанинг тажрибали ходимларига бириктирилган шогирдлар учун дастлабки уч ой мобайнида Аҳолини тадбиркорликка жалб қилиш жамғармаси маблағлари ҳисобидан базавий ҳисоблаш миқдорининг 4 баравари миқдоридан субсидиялар ажратилади;

мазкур субсидиянинг 50 фоиз қисми устанинг иш ҳақига устама сифатида берилади ва қолган қисми зарур хом ашёлар сотиб олиш учун мақсадли сарфланади;

илмий-амалий ва инновацион тадқиқотлар олиб бориш учун олий таълим муассасалари «таълим-фан-ишлаб чиқариш» тамойили асосида ҳудудларга 2-иловага* мувофиқ бириктирилади;

мазкур олий таълим муассасалари томонидан бириктирилган ҳудудларда коллеж ва техникумларга соҳага кадрлар тайёрлаш ва қайта тайёрлаш бўйича ўқув-методик ёрдам кўрсатилади;

«Ўзчармсаноат» уюшмаси бириктирилган ҳудудларда таълим муассасалари билан соҳа корхоналарининг ўзаро узвий ҳамкорлигини таъминлаш, шу жумладан талабаларга ишлаб чиқаришнинг технологик жараёнларини ўргатиш ҳамда юқори курс талабаларини иш ҳақи тўланадиган тизим орқали банд қилиш чоралари кўрилади.

6. Инвестициялар, саноат ва савдо вазирлиги, Ташқи ишлар вазирлиги,

* 2-илова «Қонунчилик маълумотлари миллий базаси»да эълон қилинган.

«Ўзчармсаноат» уюшмаси ва ҳудудларга бириктирилган олий таълим муассасалари 2024/2025 ўқув йилидан Италия, Туркия, Германия ва бошқа давлатларнинг олий таълим муассасалари билан ҳамкорликда чарм-пойабзал ва мўйначилик соҳасида талаб юқори бўлган мутахассисларни (муҳандис, технолог, дизайнер, маркетинг) тайёрлаш бўйича қўшма таълим дастурлари жорий этилишини таъминласин.

7. «Ўзчармсаноат» уюшмасининг Италиянинг пойабзал ва чарм ускуналари ишлаб чиқарувчи миллий уюшмасининг (ASSOMAC) грант маблағларини жалб қилган ҳолда Тошкент шаҳридаги Турин политехника университетидан 2024/2025 ўқув йилидан бошлаб халқаро тажриба асосида чарм-пойабзал ва мўйначилик маҳсулотларининг синов лабораторияларини ташкил этиш бўйича таклифи маъқуллансин.

8. 2024 — 2026 йилларда чарм-пойабзал саноатини янада ривожлантириш ва хорижий брендлар билан ҳамкорлик ўрнатиш дастури 3-иловага* мувофиқ тасдиқлансин.

9. Ўзбекистон Республикаси Президентининг айрим қарорларига 4-иловага мувофиқ қўшимчалар ва ўзгартириш киритилсин.

10. Инвестициялар, саноат ва савдо вазирлиги Иқтисодиёт ва молия вазирлиги ҳамда манфаатдор вазирлик ва идоралар билан биргаликда бир ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

11. Мазкур қарорнинг ижросини самарали ташкил қилиш, қарор ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Бош вазир ўринбосари Ж.А. Ходжаев зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент ш.,
2023 йил 11 октябрь,
ПҚ-331-сон

* 3-илова «Қонунчилик маълумотлари миллий базаси»да эълон қилинган.

Ўзбекистон Республикаси
Президентининг 2023 йил 11 октябрдаги
ПҚ–331-сон қарорига
4-ИЛОВА

**Ўзбекистон Республикаси Президентининг айрим қарорларига
киритилаётган қўшимчалар ва ўзгартириш**

1. Ўзбекистон Республикаси Президентининг 2020 йил 8 июндаги «Тадбиркорлик фаолияти ва ўзини ўзи банд қилишни давлат томонидан тартибга солишни соддалаштириш чора-тадбирлари тўғрисида»ги ПҚ–4742-сон қарорига илова қўйидаги мазмундаги 81 ва 82-бандлар билан тўлдирилсин:

«81. Тери хом ашёсини йиғиш ва тайёрлаш.

82. Жунни йиғиш ва тайёрлаш».

2. Ўзбекистон Республикаси Президентининг 2021 йил 20 декабрдаги «Оилавий тадбиркорликни ривожлантириш ва аҳолининг даромад манбаини кенгайтиришга доир қўшимча чора-тадбирлар тўғрисида»ги ПҚ–55-сон қарори 1-бандининг «б» кичик банди қўйидаги мазмундаги хатбоши билан тўлдирилсин:

«чарм-атторлик маҳсулотлари, чармдан тайёр кийимлар, оёқ кийимлари, спорт инвентарлари, шунингдек фурнитура, аксессуарлар ва мўйначилик маҳсулотлари ишлаб чиқариш эҳтиёжлари учун асбоб-ускуна, эҳтиёт қисмлар ва хом ашё материалларини харид қилиш учун — 1 йилгача имтиёзли давр билан 5 йилгача муддатга ажратилади».

3. Ўзбекистон Республикаси Президентининг 2022 йил 26 февралдаги «Чарм-пойабзал ва мўйначилик соҳаларида тайёр маҳсулот ишлаб чиқаришни қўллаб-қувватлашга доир қўшимча чора-тадбирлар тўғрисида»ги ПҚ–143-сон қарори 4-бандининг учинчи хатбошисидаги «2022 йил» сўзлари «2022 — 2025 йиллар» сўзлари билан алмаштирилсин.

БЕШИНЧИ БЎЛИМ**О‘ЗБЕКISTON RESPUBLIKASI TRANSPORT VAZIRLIGI
О‘ЗБЕКISTON RESPUBLIKASI
RAQAMLI TEXNOLOGIYALAR VAZIRLIGINING
QARORI****422 Temir yo‘llarda pochtni tashish va pochta vagonlaridan foydalanish qoidalarini tasdiqlash to‘g‘risida***

*O‘zbekiston Respublikasi Adliya vazirligi tomonidan 2023-yil
3-oktabrda ro‘yxatdan o‘tkazildi, ro‘yxat raqami 3462*

Pochtni temir yo‘llarda tashish va pochta vagonlaridan foydalanish xavfsizligini ta‘minlash maqsadida hamda O‘zbekiston Respublikasi “Transport to‘g‘risida”gi va “Pochta aloqasi to‘g‘risida”gi qonunlariga muvofiq O‘zbekiston Respublikasi Transport vazirligi va O‘zbekiston Respublikasi Raqamli texnologiyalar vazirligi **qaror qiladi:**

1. Temir yo‘llarda pochtni tashish va pochta vagonlaridan foydalanish qoidalari ilovaga muvofiq tasdiqlansin.
2. Mazkur qaror O‘zbekiston Savdo-sanoat palatasi bilan kelishilgan.
3. Mazkur qaror rasmiy e‘lon qilingan kundan e‘tiboran kuchga kiradi.

Transport vaziri**I. MAXKAMOV**

Toshkent sh.,
2023-yil 6-sentabr,
23-son

Raqamli texnologiyalar vaziri**Sh. ShERMATOV**

Toshkent sh.,
2023-yil 5-sentabr,
255-mh-son

Kelishildi:

**Savdo-sanoat
palatasi raisi****D. VAXABOV**

2023-yil 16-avgust

* Ushbu qaror «Qonunchilik ma‘lumotlari milliy bazasi»da 2023-yil 3-oktabrda e‘lon qilingan.

O'zbekiston Respublikasi Transport
vazirligining 2023-yil 6-sentabrdagi 23-son va
Raqamli texnologiyalar vazirligining 2023-yil
5-sentabrdagi 255-mh-son qaroriga
ILOVA

Temir yo'llarda pochtani tashish va pochta vagonlaridan foydalanish QOIDALARI

Mazkur qoidalar O'zbekiston Respublikasi hududida pochtani temir yo'llarda tashish hamda pochta vagonlaridan foydalanish, shuningdek ularga texnik xizmat ko'rsatishning yagona tartibini belgilaydi.

1-bob. Umumiy qoidalar

1. Mazkur qoidalarda quyidagi asosiy tushunchalardan foydalaniladi:

xalqaro pochtamt — xalqaro pochta almashinuvi joyi bo'lib hisoblangan, xalqaro pochtani jo'natish, topshirish, pochtani biriktirilgan magistral yo'nalishlar bo'yicha tashish, tranzit, chiquvchi va keluvchi pochta almashinuviga ishlov berish, shuningdek foydalanuvchilarga pochta aloqasi xizmatlarini taqdim etishni amalga oshiruvchi pochta aloqasi milliy operatorining tarkibiy bo'linmasi;

pochta aloqasining milliy operatori (bundan buyon matnda milliy operator deb yuritiladi) — O'zbekiston Respublikasi doirasida pochta aloqasi xizmatlari bozoridagi talabni qanoatlantirish, majburiy ravishda universal pochta xizmatlari ko'rsatish bo'yicha vazifalarni va Umumjahon pochta ittifoqining hujjatlaridan kelib chiqadigan majburiyatlarni bajarish vazifalari O'zbekiston Respublikasi Vazirlar Mahkamasi tomonidan o'z zimmasiga yuklatilgan pochta aloqasi operatori;

pochta aloqasi obyektlari — pochta aloqasi operatorlarining alohida bo'linmalari (pochtamtlar, pochta aloqasi bog'lamalari, bo'limlari, punktlari, shuningdek boshqa bo'linmalar);

pochta — pochta jo'natmalari va pochta buyumlarining majmui;

pochta-bagaj poyezdi — pochta va bagajni tashish uchun o'z tarkibida asosan pochta hamda bagaj vagonlariga ega bo'lgan maxsus tuzilgan poyezd;

pochta vagoni — poyezd harakatlanayotgan yo'lda pochtani tashish, ishlov berish va pochta almashinuvi uchun mo'ljallangan maxsus konstruksiyadagi temir yo'l vagoni;

pochta yo'nalishi — transport vositalarining pochta va kuryerlik jo'natmalari almashinuvini amalga oshirish uchun pochta aloqasi obyektlari o'rtasida, shuningdek pochta va kuryerlik jo'natmalarini qabul qilish va (yoki) yetkazib berish uchun pochta aloqasi obyektlari va foydalanuvchilar o'rtasida belgilangan tartibda tasdiqlangan harakatlanish yo'li;

pochta almashinuvi punkti — pochta aloqasi obyekt va transport o'rtasida pochtani vaqtinchalik saqlash, ishlov berish va pochta almashinuvi maqsadida tashkil etilgan pochta aloqasi obyekt;

pochta aloqasi filiali — pochta aloqasi obyektlariga birlashtirilgan hududda ishlab chiqarish faoliyatini tashkil qiluvchi milliy operatorning hududiy tarkibiy bo'linmasi;

tashuvchi — mulk huquqi asosida yoki boshqa qonuniy asoslarda transport vositasiga ega bo'lgan, yo'lovchilarni, bagajni, yuk bagajini, yuklarni, pochta va kuryerlik jo'natmalarini tashish bo'yicha tijorat asosida xizmatlar ko'rsatadigan, shuningdek tashish uchun tegishli litsenziyaga, sertifikatga yoxud ruxsat etish xususiyatiga ega hujjati bo'lgan yuridik yoki jismoniy shaxs.

2. Temir yo'llarda pochta tashish, pochta vagonlaridan foydalanish milliy operator bilan tashuvchi o'rtasida tuzilgan shartnoma asosida amalga oshiriladi.

Xalqaro pochta almashinuvi punktlari tomonidan pochtni tashish va pochta almashinuvi tartibi Umumjahon pochta ittifoqining hujjatlari va O'zbekiston Respublikasining amaldagi qonunchilik hujjatlari bilan tartibga solinadi.

3. Pochta milliy operatorning pochta vagonlarida, shuningdek tashuvchining yo'lovchi, tezyurar va pochta-bagaj poyezdlariga qo'shiladigan vagonlarida tashiladi.

4. Pochtni pochta vagonlarida tashish O'zbekiston Respublikasi temir yo'llarining barcha liniyalari bo'ylab amalga oshiriladi.

5. Pochta vagonlarida va boshqa vagonlarning maxsus moslashtirilgan joylarida tashilayotgan pochta aloqa xodimlari tomonidan kuzatib boriladi. Pochta oddiy bagaj vagonlarida pochta aloqasi xodimlarining kuzatuvida ham, ularning kuzatuvsiz ham tashiladi.

6. Tarkibiga pochta vagonlari ulanadigan poyezdlarning ro'yxati milliy operator tomonidan tashuvchi bilan kelishilgan holda belgilanadi.

7. Tarkibiga pochta vagonlari ulangan poyezdlarning qatnov jadvali o'zgargani to'g'risida tashuvchi yangi jadvalni amalga kiritish muddatidan kamida besh kun oldin milliy operatorni xabardor qiladi.

8. Pochta almashinuvi ko'zda tutilgan temir yo'l stansiyalarida tarkibida pochta vagonlari bo'lgan poyezdlar pochtni yuklash va tushirish imkoniyati mavjud bo'lgan maxsus yo'lga qabul qilinadi.

9. Poyezdlar boshqa yo'lga qabul qilingan holatlarda, shuningdek tarkib stansiya o'qiga nisbatan belgilanmagan joyda to'xtatilganida stansiya bo'yicha navbatchi bu to'g'risida pochta vagonlari bilan pochta almashinuvini amalga oshirayotgan pochta aloqasi xodimlarini oldindan xabardor qiladi va pochta vagonining to'xtash joyini ko'rsatadi.

Pochta almashinuvi jadvalda belgilangan to'xtash vaqtida amalga oshirilishi kerak. Pochtaning tayyor emaslik sabablariga ko'ra poyezdlarning ushlanib qolishiga yo'l qo'yilmaydi.

10. Kechikib kelgan pochta tashiladigan poyezdlarning to'xtab turish vaqti qisqartirilganida bu to'g'risida poyezd boshlig'i pochta vagoni boshlig'ini, stansiya navbatchisi esa — stansiyada pochta almashinuvini amalga oshiruvchi shaxsni xabardor qilishi shart. Bunda kechikishni (ushlanib qolishni) bartaraf qilish maqsadida stansiya navbatchisi ushbu poyezdning qisqargan to'xtab turish vaqtini ko'rsatishi kerak. Poyezdlarning to'xtab turish vaqtining davomiyligini besh daqiqadan kam vaqtga, shuningdek, grafik bo'yicha belgilangan to'xtab

turish vaqti besh daqiqadan kam vaqtni tashkil etuvchi har qanday to'xtab turishlarni qisqartirilishiga yo'l qo'yilmaydi.

Milliy operator va tashuvchi o'rtasidagi shartnomaga muvofiq, stansiya navbatchilari pochta aloqasi obyektlari xodimlarini ularning so'rovlariga ko'ra pochta tashuvchi poyezdlarning qatnov vaqtlari to'g'risidagi ma'lumot bilan ta'minlaydi.

11. Tashuvchiga tegishli bo'lgan bino va inshootlarni ijaraga olish, pochta vagonlarini ta'mirlash, ularni yuk ortish va tushirish uchun berish muddatlari hamda temir yo'llarda pochta vagonlariga texnik xizmat ko'rsatish bo'yicha boshqa masalalar qo'shimcha shartnomalarga muvofiq amalga oshiriladi.

2-bob. Pochta vagonlarida pochta tashish

12. Pochta vagonlarida tarqatish uchun qabul qilingan pochta Umumjahon pochta ittifoqining hujjatlariga va pochta aloqasi sohasi amaldagi normativ hujjatlariga muvofiq tashiladi.

Pochta vagonlarida pochta aloqasining obyektlari faoliyatiga taalluqli bo'lmagan yukni faqat milliy operator ruxsati bilan tashishga yo'l qo'yiladi.

13. Pochta, poyezd bekatga kelguniga qadar kamida o'n daqiqa oldin, pochta aloqasi xodimlari tomonidan pochta vagonining to'xtash joyiga yetkazib berilishi kerak.

14. Pochta vagonida jo'natish uchun tayyorlab qo'yilgan pochta, hujjatlar va uchta nusxadan iborat bo'lgan 16-shakldagi yukxati (mazkur Qoidalarning 1-ilovasi*) bilan birga kuzatuvchi pochta aloqasi xodimiga, yukxatining uchinchi nusxasiga pochtni qabul qilganligi to'g'risida imzo qo'yirilgan holda topshiriladi.

15. Pochta vagonida ishlov berilishi lozim bo'lgan yopiq pochta buyumlari va postpaketlar saralash zalida ochiladi hamda ularning ichidagi pochta jo'natmalari hujjatlar bo'yicha nomma-nom tekshiriladi. Birinchi navbatda yo'nalishning eng yaqin uchastkalariga tegishli bo'lgan yopiq pochta buyumlari va postpaketlar, keyin esa qolganlari ochiladi. Ochish tugallangach, pochta vagoni boshlig'i manzil yorliqlarini yukxatidagi yozuvlar bilan solishtiradi.

16. Pochtani saralash, unga ishlov berish va berkitish tartibi tegishli normativ hujjatlar bilan tartibga solinadi.

17. Posilkalar pochta aloqasi xodimlari tomonidan yo'nalish rejasiga muvofiq pochta vagoniga:

guruhlar bilan — yo'nalish bo'yicha omborxonalarga;

alohida — tranzit omborxonalarga topshiriladi.

18. Pochta vagonida ishlov berilishi lozim bo'lgan posilkalar vagonning omborxonasida saralanadi. Ilova qilingan manzil blankalari 16-shakldagi yukxatidagi yozuvlar bilan nomma-nom solishtiriladi.

Poyezd navbatdagi almashish punktiga yetib kelish vaqtiga qadar pochta vagoni brigadasi pochtni topshirish uchun to'liq tayyorlab qo'yishi va unga tegishli hujjatlarni rasmiylashtirishi kerak.

19. Poyezdlar harakati xavfsizligini ta'minlash uchun pochta va xizmat

* I-ilova «Qonunchilik ma'lumotlari milliy bazasi»da e'lon qilingan.

yukining umumiy massasi vagonning belgilangan yuk ko'tarish qobiliyatidan oshmasligi kerak. Shubha tug'ilgan hollarda, temir yo'l xodimlari pochtaning massasini vagon tarozlarida tekshirish va belgilangan me'yordan ortiqcha pochta vagonidan tushirish majburiyatini yuklash huquqiga ega.

20. Pochta vagonlarini jo'natish temir yo'l xodimlari tomonidan belgilangan tartibda rasmiylashtiriladi.

3-bob. Pochtani bagaj vagonlarida tashish

21. Pochtani poyezdlarning bagaj vagonlarida tashish milliy operator hamda tashuvchi o'rtasida tuzilgan shartnomalarga muvofiq tashuvchining poyezdlarida amalga oshirilishi mumkin.

22. Yuk-bagajda jo'natilayotgan pochtaga har bir topshirish punkti uchun 16-shakldagi yukxati ikki nusxada tuziladi. Bundan tashqari, 35-shakldagi tarqatish qaydnomasi (mazkur Qoidalarning 2-ilovasi*) uchta nusxada tuziladi. Tarqatish qaydnomasiga 16-shakldagi yukxatiga qayd qilingan qoplar (bog'lamlar) pochta topshirish punktlarining ketma-ketlikda kelish tartibida yoziladi. Tarqatish qaydnomalarini raqamlash oyma-oy olib boriladi.

Yuk-bagajda jo'natilayotgan pochta qoplar tarqatish qaydnomasining ikkinchi nusxasiga imzo qo'yilgan holda, dastlabki punktda poyezdning jo'nash vaqtidan 30 daqiqa oldin va poyezdning oraliq bekatlarga yetib kelishidan kamida 50 daqiqa oldin bagaj omborxonalariga topshiriladi.

23. Pochta aloqasi xodimlarining kuzatuvsiz pochta tashilayotgan bagaj vagonining nosozligi yoki yo'lda poyezddan ajratilishi holatlarida, pochta nosoz vagon o'rniga ulangan boshqa vagonga yo'lovchilar bagaji kabi yuklanishi kerak. Bagaj qisman nosoz bagaj vagonidan boshqa vagonga yuklanganda, pochta birinchi navbatda yuklanadi.

Bunday hollarda pochta yuklash va tushirish ishlari temir yo'l xodimlarining kuchi bilan bajariladi.

4-bob. Pochtani yo'lovchi vagonlarida tashish

24. Ish hajmi katta bo'lmagan pochta yo'nalishlarida pochta yo'lovchi vagonlarida pochta aloqasining ikkita xodimi kuzatuvda tashilishi mumkin. Kupeda tegishli uskunalar mavjud bo'lganda, yo'lovchilardan ajralganda hamda pochta va qimmatliklarning butligini ta'minlaganda, pochta jo'natmalariga yo'lda pochta vagonlari uchun ko'zda tutilgan tartibda ishlov beriladi. Bunday sharoitlar bo'lmaganda, faqat bosma nashrlar va yozma xat-xabarlar yopiq buyumlarda, yo'lda ishlov berilmasdan tashiladi.

25. Pochtaning yo'lovchi vagonlarida tashilishi milliy operator bilan tashuvchi o'rtasida tuzilgan shartnomaga muvofiq amalga oshiriladi.

Pochta yo'lovchi vagonlarida tashilganda, pochta jo'natmalari poyezdning jo'nashidan va yetib kelishidan kamida 30 daqiqa oldin yuklash-tushirish ishlariga taqdim etiladi (topshiriladi).

* 2-ilova «Qonunchilik ma'lumotlari milliy bazasi»da e'lon qilingan.

26. Ichida yozma xat-xabarlar mavjud qoplarning, shuningdek, bosma nashrlar mavjud qop va bog'lamalarning manzil yorliqlarida quyidagilar ko'rsatiladi: qop (bog'lama) qaysi bekatda topshirilishi kerak, manzillangan joyi, qop (bog'lama) ning qayerdan kelayotganligi, ularning massasi va raqami, joylanmasining nomi, poyezd raqami. Ushbu ma'lumotlar 16-shakldagi yukxatida ham ko'rsatiladi.

27. Pochtani jo'natayotgan pochta aloqasi filiallari 35-shakldagi tarqatish qaydnomasining raqami va pochta jo'natmalarining massasini ko'rsatgan holda, tashish hujjatlarini tuzadi.

5-bob. Pochta aloqasi xodimlarining pochta vagonlarida yurishi va bekatlar hududida bo'lishi

28. Yo'lda pochtni kuzatib borish, qo'riqlash, unga ishlov berish va pochta almashinuvi uchun pochta vagonlarida va yo'lovchi vagonlarining maxsus moslashtirilgan joylarida sayyor brigada xodimlarining yurishiga milliy operator tomonidan berilgan guvohnomalar bo'yicha ruxsat etiladi.

29. Sayyor brigada xodimlarining tarkibiga quyidagilar kiradi:

- a) pochta vagoni boshlig'i;
- b) pochta vagoni boshlig'ining yordamchilari;
- d) kuzatuvchi-elektromontyor;
- e) saralovchilar.

Brigadadagi xodimlarning soni ish hajmiga, almashishlarning muntazamligiga va boshqa sharoitlarga bog'liq holda belgilanadi, lekin kuzatuvchi-elektromontyorni qo'shib hisoblaganda, ikkitadan kam bo'lmasligi kerak. Brigada a'zolari o'rtasida majburiyatlar pochta vagoni boshlig'i tomonidan taqsimlanadi.

30. Yo'l davomida pochta vagonining sayyor brigadasi xodimlari o'z vakolatlari doirasida, tarkibiga pochta vagoni qo'shilgan poyezd boshlig'iga (brigadiriga) bo'ysunadi.

31. Pochta vagonlarida guvohnomalar bilan yurish huquqidan guvohnomada ko'rsatilgan liniyalarda qatnaydigan pochta vagonlarini kuzatish bo'yicha xizmat safaridan qaytayotgan pochta aloqasi xodimlari ham foydalanadi.

Pochta vagonining boshlig'i reysga chiqishdan oldin xalqaro pochtaamtndan brigadaning barcha a'zolari uchun guvohnomalarni va to'g'ridan to'g'ri yo'nalishda yurish hamda alohida orqaga qaytish uchun sayyor brigada xodimlari nommanom qayd qilingan 14-shakldagi yo'l varaqlarini (mazkur Qoidalarning 3-ilovasi*) tilxat bilan oladi. 14-shakldagi yo'l varaqlari xalqaro pochtaamtning direktori (o'rinbosari), sayyor xizmatning sex boshlig'i tomonidan imzolanadi va "Yo'l varaqalari uchun" maxsus yumaloq muhr bilan tasdiqlanadi.

32. Pochtani kuzatib boruvchi sayyor xodimlardan tashqari pochta vagonlarida yurish huquqi quyidagilarga taqdim etiladi:

- a) zaxirada ketayotgan sayyor xodimlarga, guvohnoma va 14-shakldagi yo'l varaqasida yozuv mavjud bo'lsa;
- b) milliy operator tomonidan berilgan maxsus guvohnomalar bo'yicha pochta vagonlarining sayyor brigadalarini ishini nazorat qilish va boshqa xizmatga oid maqsadlar uchun xizmat safariga yuborilgan mansabdor shaxslarga;

* 3-ilova «Qonunchilik ma'lumotlari milliy bazasi»da e'lon qilingan.

d) sayyor xodimlar, kuzatuvchi — elektromontyorlar bo'yicha kadrlarni tayyorlash kurslariga qabul qilingan shaxslarga, tanishtirish safari paytida safarning boshidan oxirigacha bo'lgan davrga;

e) sayyor xodimlar, kuzatuvchi — elektromontyorlar bo'yicha kadrlarni tayyorlash kurslarini tugatgan shaxslarga, shuningdek, "brigada usuli"da o'qiyotganlarga, malaka o'zlashtirilguniga qadar bo'lgan davrga.

33. Pochta vagonida yurish huquqiga ega bo'lgan shaxslar o'zlari bilan qo'lda olib yuriladigan yukni yo'lovchilar uchun belgilangan me'yor chegarasida bepul olib o'tishi mumkin.

34. Pochta vagonida, brigada ishini nazorat qiluvchi xodimlardan tashqari, bir vaqtning o'zida guvohnoma bo'yicha ko'pi bilan ikkita kishining yurishiga ruxsat etiladi.

Pochta vagonlarida guvohnomalar bo'yicha ketayotgan shaxslar 14-shakldagi yo'l varaqasiga yozilgan bo'lishi kerak.

35. Belgilanmagan shakldagi guvohnomani ko'rsatgan, shuningdek zaruriy hujjatlarga ega bo'lmagan shaxslarning pochta vagonida yurishi taqiqlanadi. Ular tomonidan ko'rsatilgan guvohnoma olib qo'yiladi va pochta almashinuvi (dastlabki yoki oxirgi) punktining boshlig'iga bildirgi bilan birga taqdim etiladi, pochta almashinuvi punktining boshlig'i chora ko'rish uchun xalqaro pochta tuzatma yo'laydi.

6-bob. Pochta vagonlaridan foydalanish va ta'mirlash tartibi

36. Milliy operator pochta vagonlarini O'zbekiston Respublikasi temir yo'llaridan texnik foydalanish qoidalarining texnik jihatdan tartibga solish sohasidagi hujjatlar talablariga muvofiq soz holatda saqlashi shart.

Poyezd vagonlari poyezdlarning belgilangan sxemalariga mos ravishda poyezdlarga ulanadi. Pochta-bagaj poyezdlarini shakllantirish sxemalarini o'zgartirish milliy operatorning roziligi bilan amalga oshiriladi.

7-bob. Pochtani yo'lda ushlanib qolishini bartaraf qilish bo'yicha chora-tadbirlar

37. Poyezdda pochta vagonining o'rni o'zgartirilgan hollarda, jo'nab ketish bekat boshlig'i poyezd yo'nalishi bo'yicha navbatdagi bekatlarga, pochta almashuvchi xodimlarni ogohlantirish uchun xabar berishi shart.

38. Pochta vagonlarini ta'mirlash ishlari, milliy operator bilan ta'mirlash ishlarini olib borish huquqiga ega tashkilot o'rtasidagi shartnomaga muvofiq, temir yo'llarining yo'lovchi vagonlar parki uchun belgilangan muddatlarda amalga oshiriladi.

39. Pochtani yuklashdan oldin, pochta vagoni boshlig'i bilan kuzatuvchi-elektromontyor, texnik nazoratchi (mas'ul navbatchi yoki smena boshlig'i) ishtirokida pochta vagonini qabul qiladilar. Bunda quyidagilar tekshiriladi:

isitish va yoritish tizimlarining, ichki qulflar va tirgaklarning sozligi; uskunalarining ishonchli mahkamlanganligi;

yong'inga qarshi vositalarning hamda vagon inventarining (soat, choyshab, yostiқ jildlari, idish-ovoq, aptechkadagi dori-darmonlar va hokazolar) mavjudligi; tizimlarda suvning mavjudligi;

maxsus idishlarning ko'mir bilan (qishda to'liq qilib) to'ldirilganligi va orqa qismdagi signallarning mavjudligi.

Pochta vagonining kuzatuvchi-elektromontyori yo'l davomida orqa qismdagi signallarning yonib turishini ta'minlashi lozim. Poyezdning harakatlanishiga xavf soladigan hollarda, u poyezdni zudlik bilan to'xtatish choralari ni ko'rishi kerak.

40. Pochta vagonining sayyor brigada xodimlari xalqaro pochta mablag'i hisobidan ta'minlanadi va ishlab chiqarish bo'yicha yo'l-yo'riqdan o'tkazilganidan, shuningdek, O'zbekiston Respublikasi temir yo'llardan texnikaviy foydalanish qoidalari texnik jihatdan tartibga solish sohasidagi hujjatlar talablari bilan tanishganidan so'ng ishlashga ruxsat beriladi. Sayyor brigada xodimlarining temir yo'l xodimlari tomonidan, xalqaro pochta vakili ishtirokida, temir yo'llardagi sayyor xodimlar uchun belgilangan muddatlarda bilimlar tekshiruvi o'tkaziladi.

41. Avtonom elektrostansiyaga ega bo'lmagan pochta vagonini yoritish ta'minoti, temir yo'l tomonidan poyezdga qo'shilgan vaqtdan boshlab va belgilangan bekatgacha yetib kelganidan keyin poyezddan ajratishgacha bo'lgan vaqtga qadar boshqa vagonlar bilan umumiy asosda ta'minlanadi.

To'xtash joylarida poyezddan ajratilgan va zaxirada bo'lgan pochta vagonlarining yoritish ta'minoti milliy operator hisobidan ta'minlanadi.

Poyezdda pochta vagoni yo'lovchi vagon bilan yonma-yon joylashmagan hollarda, uning elektr bilan yoritilishi yonidagi pochta vagonining elektr stansiyasidan ta'minlanadi (bir vaqtning o'zida ikkita pochta vagonidan oshmasligi kerak).

42. Kelishilgan yo'nalishlar davomida yoqilg'i quyish joyi va tartibi tashuvchi bilan milliy operator o'rtasida tuzilgan shartnoma asosida belgilanadi.

43. Bekatda va yo'lda pochta vagonlarining isitilishi milliy operator hisobidan ta'minlanadi.

Poyezdlar harakati bilan bog'liq sabablarga ko'ra yo'lda ushlanib qolgan pochta vagonlari, ushlanib qolgan vaqt davomida temir yo'l hisobidan isitiladi.

44. Pochta vagonlarining isitish qurilmalari va baklari uchun suv bilan ta'minlanishi temir yo'l vositalari va mablag'i hisobidan quyidagicha amalga oshiriladi:

harakatlanish yo'li davomida — ehtiyojga qarab belgilangan punktlarda; reysga chiqishdan oldin bir marta — dastlabki va oxirgi bekatlarda.

45. Pochta vagonlarining tashqi qismini yuvish poyezdlarni shakllantirish va qaytarib berish punktlarida milliy operator bilan tashuvchi o'rtasida tuzilgan shartnomaga muvofiq amalga oshiriladi.

46. Pochta vagonlarini dezinfeksiya qilish temir yo'l vositalari bilan milliy operator mablag'lari hisobidan yo'lovchi vagonlari parki uchun belgilangan qoidalar bo'yicha amalga oshiriladi.

47. Poyezdni tuzish sxemasida nazarda tutilgan pochta vagonini tarkibga qo'shmaslik yoki yo'lda ajratish taqiqlanadi.

48. Pochta tashilayotgan pochta vagonlarida yo'lda texnik nosozliklar aniqlanganida, pochta vagoni boshlig'i yoki avariya sodir bo'lgan joydagi bekat boshlig'i, yoxud avariya to'g'risida xabarnoma olgan bekat boshlig'i bu to'g'rida mavjud bo'lgan aloqa vositalaridan foydalanib zudlik bilan yaqinroq bo'lgan pochta almashinuvi punktining yoki xalqaro pochтамtning boshlig'ini xabardor qilishi shart.

49. Poyezdning harakatlanish yo'lida pochta vagonini ajratishdan boshqa iloj qolmasa temir yo'l xodimlari darhol bu to'g'rida pochta vagoni boshlig'ini, pochтani boshqa — zaxira, pochta yoki bagaj vagonga qayta yuklashga tayyorlash uchun xabardor qiladilar. Bunda birinchi navbatda hukumatga oid va xalqaro pochta hamda imkoni bor miqdorda bosma nashr mahsulotlari yuklanishi kerak. Zaxira yoki bagaj vagon yo'q bo'lgan taqdirda, ajratilgan vagondagi pochta quyidagilarga yuklanishi kerak:

a) hukumatga oid va xalqaro pochta yozma xat-xabarlar hamda gazetalar — ushbu poyezdning bagaj yoki yo'lovchi vagoniga;

b) pochтaning qolgan qismi — izma-iz kelayotgan poyezdlarning pochta yoki bagaj vagonlariga.

50. Pochta yo'lovchi vagonga qayta yuklanganida belgilangan manzilga pochta vagoni sayyor brigadasining bir yoki ikki a'zosi kuzatuvida jo'natiladi.

Pochтani vagonlarda jo'natishda yozma xat-xabarlar solingan qoplar surg'uchli muhr bilan muhrlanadi va plombalanadi.

51. Ajratilgan nosoz vagondagi pochтani boshqasiga qayta yuklash imkoniyati bo'lmasa, temir yo'l xodimlari pochta bor bo'lgan bunday vagonni zudlik bilan ta'mirlash uchun eng yaqin joylashgan ta'mirlash punktiga yuborish choralari ko'radilar. Ta'mirlashdan so'ng vagon birinchi jo'nab ketayotgan yo'lovchi poyezdga ulanadi.

52. Texnik nosoz bo'lgan pochta vagonidan pochтani tushirib boshqasiga yuklash uchun bekat boshliqlari pochta vagoni ajratilishiga sababchi bo'lgan temir yo'lning hisobidan pochтani qo'riqlash va tushirib boshqasiga yuklash uchun ishchi kuchini hamda boshqa vositalarni taqdim etishi shart.

53. Pochta almashinuvi punktining yoki xalqaro pochтамtning mas'ul xodimi avariya joyiga ta'mirlash poyezdi tarkibida borish huquqiga ega.

54. Bekat boshlig'i pochta vagoni poyezddan ajratilgani to'g'risida ajratish sababini ko'rsatgan holda dalolatnoma tuzadi, pochta vagoni boshlig'i bilan birga uni imzolaydi va dalolatnomaning nusxasini pochta vagoni boshlig'iga beradi. Bekat boshlig'i pochta vagoni ajratilgani to'g'risida mavjud bo'lgan har qanday aloqa vositalari orqali pochta yo'nalishi bo'yicha yaqinroqda joylashgan pochta almashinuvi punktining boshlig'iga va ushbu punktgacha bo'lgan yo'ldagi barcha bekat boshliqlariga pochta almashuvchi pochta aloqasi xodimlarini xabardor qilish uchun zudlik bilan xabar berishi shart.

55. Pochtaga shikast yetkazilishi yoki pochta yo'q qilish holatlari to'g'risida to'rt nusxada dalolatnoma tuziladi, yo'q qilingan yoki shikast yetkazilgan pochтaning ro'yxati va yo'q qilish sabablari ko'rsatilib temir yo'l va pochta aloqasi filiallari xodimlari tomonidan imzolanadi. Dalolatnoma nusxasi zudlik bilan xalqaro pochтамtga jo'natiladi.

Temir yo'llarda pochta tashish va pochta vagonlaridan foydalanish qoidalarini buzganlik uchun javobgarlik amaldagi qonunchilik hujjatlariga muvofiq milliy operator bilan tashuvchi o'rtasida tuzilgan shartnomada ko'rsatiladi.

8-bob. Temir yo'l bekatlarida pochta operatsiyalari uchun xonalar, platformalar, temir yo'l tupiklari

56. Tashuvchi temir yo'lning yirik tarmoqlarida pochta almashinuvi punktlarini tashkillashtirish uchun mo'ljallangan bino (xona)larni zaruriy moslamalar bilan ijara shartnomasi asosida ajratib beradi (temir yo'l tupiklari, tunellar, platformalar va hokazo).

Bekatlarda va omborlarda milliy operatorga taqdim etilgan xonalarga va platformalarga har qanday mexanik moslamalarni o'rnatish, tashuvchi bilan milliy operator o'rtasida tuzilgan shartnomaga muvofiq milliy operator hisobidan amalga oshiriladi.

Yuqorida ko'rsatilgan bino va inshootlarni o'rnatish va saqlash tashuvchi bilan milliy operator o'rtasida tuzilgan shartnomaga muvofiq amalga oshiriladi.

57. Tashuvchi maxsus xonalarni quyidagi maqsadlar uchun ijaraga beradi:

- a) pochta almashinuvi punktini joylashtirish;
- b) pochtaga ishlov berish va uni saqlash;
- d) pochta aloqasi va telekommunikatsiya xizmatlarini ko'rsatish.

58. Xonalarning ijarasi uchun to'lov milliy operator va tashuvchi o'rtasida tuzilgan shartnomalarda belgilangan miqdorda amalga oshiriladi. Ijaraga berilgan xonalarning o'lchami, ularni ta'mirlash va kommunal xizmatlardan foydalanish tartibi shartnomada belgilanadi.

59. Pochtani pochta vagonlariga yuklash uchun tashishda va vagonlardan tushirgandan so'ng tashishda pochta almashinuvi punktlari o'ziga tegishli bo'lgan qo'lda boshqariladigan va mexanik aravalardan foydalanadi. Platformalarda aravalardan foydalanish tartibi bekat boshlig'i bilan kelishilgan bo'lishi lozim. Aravalar pochta almashinuvi punktlarining binolarida yoki bekat boshlig'ining ko'rsatmasi bo'yicha ular uchun maxsus ajratilgan joylarda saqlanishi lozim.

9-bob. Pochta vagonlarining sayyor brigadalari ishini nazorat qilish

60. Pochta vagonlarining sayyor brigadalari ishini nazorat qilish maqsadi yo'nalishlarga sifatli xizmat ko'rsatish, pochta o'z vaqtida va but holda yetkazilishini ta'minlashdan iborat.

Har bir sayyor brigada ishini yo'nalishda tekshirish chorakda bir marta amalga oshiriladi. Xalqaro pochta rahbari (o'rinbosari) tomonidan pochta vagonlarining sayyor brigadalari ishini nazorat qilish rejasi milliy operator tomonidan tasdiqlanadi.

61. Pochta vagonlarining sayyor brigadalari ishini tekshirish huquqi quyidagilarga berilgan:

- a) O'zbekiston Respublikasi Raqamli texnologiyalar vazirligi huzuridagi Axborotlashtirish va telekommunikatsiyalar sohasida nazorat inspeksiyasining

xodimlariga — qonunchilik hujjatlarida belgilangan tartibda xalqaro pochta tekshirilganda;

b) milliy operator rahbariga (o‘rinbosarlariga), bo‘limlari boshliqlariga;

d) xalqaro pochta rahbariga (o‘rinbosarlariga), sifat xizmati boshlig‘i va xodimlariga, sayyor xizmat sexi boshlig‘iga;

e) milliy operator tomonidan vakolat berilgan boshqa shaxslariga.

62. Yuqorida ko‘rsatilgan shaxslar milliy operator tomonidan taqdim etilgan, pochta vagonida yurish huquqini beradigan guvohnoma, shuningdek, lavozim guvohnomali yoki tekshirish huquqini beruvchi maxsus guvohnomalar mavjudligida pochta vagonlarining sayyor brigadalari ishini tekshirishi mumkin.

63. Pochta vagonlarining sayyor brigadalari ishini tekshiruvchi shaxslar quyidagilarni tekshirishi shart:

a) brigada ishining tashkil etilishi;

b) pochta almashinuvini amalga oshirish, pochtaga ishlov berish va uni tashish masalalariga oid buyruqlar, yo‘riqnomalar va boshqa hujjatlarning bajarilishi;

d) pochta buyumlarining saralanishi, yo‘llanishi, berkitilishi hamda yozma xat-xabarlar, sug‘urta va posilkaga oid pochta hamda bosma nashrlar bo‘yicha hujjatlar yuritilishi to‘g‘riligi;

e) yozma xat-xabarlarni saralash uchun yorliqlarning mavjudligi va pochta vagonlarning omborlariga taqsimlash tartibi, ushbu tartibga amal qilinishi;

f) 14-shakldagi yo‘l varaqasining to‘g‘ri yuritilishi;

g) vagondagi shaxslarda pochta vagonida yurish huquqini beruvchi zaruriy hujjatlarning mavjudligi;

h) pochta vagonida pochta tashishga tegishli bo‘lgan normativ hujjatlarning mavjudligi;

i) omborlar va seyflardagi pochta, qimmatliklar but saqlanishi ta‘minlanganligi, shuningdek, pochta almashinuvida, xususan tungi vaqtlarda;

j) pochta almashinuvini uchun o‘z vaqtida tayyorlanishi;

k) pochta aloqasi obyektlari tomonidan pochtaga ishlov berish va pochta almashinuvini qoidalarining bajarilishi, almashuvchilarda pochta almashinuvini huquqini beruvchi guvohnomalarning mavjudligi;

l) brigada a‘zolari tomonidan pochtaga sifatli ishlov berishda o‘z ishi ustidan nazorat va o‘zaro tekshiruvlar o‘tkazilishi, pochta vagoni boshlig‘i tomonidan yo‘riqnoma va ekspluatatsiya nazorati amalga oshirilishi, shuningdek, ishda nuqsonlarni oldini olish bo‘yicha chora-tadbirlar ko‘rilishi;

m) sayyor xodimlar ular tomonidan xizmat ko‘rsatiladigan vagonlarda doimiy ravishda bo‘lishi borasidagi talablarning bajarilishi;

n) brigada muhrlar, shtamplar, taqvim tamg‘alari, qoplar va boshqa turdagi ekspluatatsion materiallar bilan ta‘minlanganligi;

o) yo‘lovchilarga aloqa xizmatlari ko‘rsatilishi, pochta to‘lovlarining davlat belgilari, pochta konvertlari va pochta kartalari bilan ta‘minlanganligi;

p) pochta almashinuvini punktlari va pochta vagonlari xodimlari tomonidan texnika xavfsizligi va pochta xavfsizligi qoidalariga rioya qilinishi, xususan poyezdlar bekatlarda qisqa vaqtga to‘xtaganda;

q) mehnat intizomi holati;

r) pochta vagonlari reysga tayyorlanishi hamda yoʻlda va dam olish punktlarida sanitariya holati taʼminlanganligi (vagonlar xonalari oʻz vaqtida tozalanishi, tegishli harorat saqlanishi, yozma xat-xabarli qoplarni ochishda chang tozalaydigan stollardan foydalanilishi, usti yopiq idishlarda qaynatilgan suv, tibbiyot qutichasi, choyshab, yostiqlik jildlari, idish-tovoqlar va boshqa inventar hamda mulklar bilan taʼminlanganligi);

s) vagonlarning texnik holati (muzlatgichlar, isitish, suv bilan taʼminlash tizimlari, elektr uskunalari, eshiklar, ombor eshiklarining qulf va fiksatorlari, orqa qism signal chiroqlari, signalizatsiya qoʻngʻiroqlari, zinapoya yoritgichlari, vagonning ostki magistrali va buksalar qizish signalizatsiyalarining ishga yaroqliligi, panjaralarning mahkamlanishi, akkumulyatorli signal chiroqlari, kalit komplektlarining mavjudligi, elektrolitning zaruriy zichligi va sathining saqlanishi, kalibrlanmagan saqlagichlar va boshqalardan foydalanish holatlarining mavjudligi).

64. Pochta vagonlarining sayyor brigadalari ishini tekshiruvchi shaxslar tekshirish natijalari toʻgʻrisida 14-shakldagi yoʻl varaqasiga tegishli yozuv qayd etishi, tekshirishlar daftariga aniq takliflarni kiritishi lozim.

Zarur hollarda, tekshirishlar daftariga qayd etilgan yozuvdan tashqari, toʻrt nusxada dalolatnoma tuziladi. Dalolatnomaning birinchi nusxasi milliy operatorga yuboriladi, ikkinchisi pochta vagonining sayyor brigadasi boʻysunadigan xalqaro pochtaamtga, uchinchisi — pochta vagoni boshligʻiga topshiriladi, toʻrtinchisi esa tekshiruvchi shaxsda qoladi.

10-bob. Pochta va pochta vagonlarining xavfsizligini taʼminlash

65. Ilova qilingan hujjatlarga pochta xavfsizligi boʻyicha masʼul xodimning imzosi qoʻyilgan, pochta xavfsizligi boʻyicha nazoratdan oʻtkazilgan pochta vagonlarda joʻnatish uchun qabul qilinishi kerak.

66. Pochta vagonlarida hamda yoʻlovchi va bagaj vagonlarining maxsus moslashtirilgan joylarida, shuningdek, bekat hududida va bekat binolarida joylashgan pochta qoʻriqlanishi milliy operator majburiyatiga kiradi.

67. Yuk ortilmagan pochta vagonlarining qoʻriqlanishi pochta aloqasi xodimlari tomonidan amalga oshiriladi.

68. Texnik bekatlar va oraliqdagi bekatlarda nosoz pochta vagonlarining qoʻriqlanishi, bunday vagonlarda pochta aloqasi xodimlari, shu jumladan, kuzatuvchi-elektromontyorlar boʻlmasa, pochta vagonlarini dalolatnoma boʻyicha, ichki uskunalarni esa roʻyxat boʻyicha qabul qiluvchi temir yoʻl tomonidan amalga oshiriladi.

11-bob. Yakuniy qoida

69. Mazkur Qoidalar talablarining buzilishida aybdor boʻlgan shaxslar qonunchilik hujjatlariga muvofiq javobgar boʻladi.

O‘ZBEKISTON RESPUBLIKASI TRANSPORT VAZIRINING
BUYRUG‘I**423 O‘zbekiston Respublikasi ichki kema yo‘llarida suzish qoidalarini o‘z kuchini yo‘qotgan deb topish haqida***

*O‘zbekiston Respublikasi Adliya vazirligi tomonidan 2023-yil
9-oktabrda ro‘yxatdan o‘tkazildi, ro‘yxat raqami 769-1*

O‘zbekiston Respublikasi Vazirlar Mahkamasining 2023-yil 11-sentabrdagi 462-son “O‘zbekiston Respublikasi kemachiligi sohasida xavfsizlikni ta‘minlashga oid chora-tadbirlar to‘g‘risida”gi qaroriga muvofiq **buyuraman:**

1. O‘zbekiston avtomobil va daryo transporti agentligining boshlig‘i tomonidan 1999-yil 9-iyulda tasdiqlangan O‘zbekiston Respublikasi ichki kema yo‘llarida suzish qoidalari (ro‘yxat raqami 769, 1999-yil 9-iyul) o‘z kuchini yo‘qotgan deb topilsin.

2. Mazkur buyruq rasmiy e‘lon qilingan kundan e‘tiboran kuchga kiradi.

Vazir

I. MAXKAMOV

Toshkent sh.,
2023-yil 27-sentabr,
25-son

* Ushbu buyruq «Qonunchilik ma‘lumotlari milliy bazasi»da 2023-yil 10-oktabrda e‘lon qilingan.

ЎЗБЕКИСТОН РЕСПУБЛИКАСИ
СОҒЛИҚНИ САҚЛАШ ВАЗИРЛИГИ
ЎЗБЕКИСТОН РЕСПУБЛИКАСИ КАМБАҒАЛЛИКНИ
ҚИСҚАРТИРИШ ВА БАНДЛИК ВАЗИРЛИГИНИНГ
ҚАРОРИ

424 «16 ёшгача бўлган болаларни ногирон деб топиш ҳақида тиббий хулоса бериш тартиби тўғрисидаги низомни тасдиқлаш ҳақида»ги қарорни ўз кучини йўқотган деб топиш тўғрисида*

*Ўзбекистон Республикаси Адлия вазирлиги томонидан 2023 йил
9 октябрда рўйхатдан ўтказилди, рўйхат рақами 2005-1*

Ўзбекистон Республикаси Президентининг 2021 йил 27 ноябрдаги ПҚ–22-сон «Тиббий-ижтимоий экспертиза хизмати фаолияти ҳамда болаларга ногиронликни белгилаш тизимини янада такомиллаштириш чора-тадбирлари тўғрисида»ги қарори ҳамда Ўзбекистон Республикаси Вазирлар Маҳкамасининг 2022 йил 8 февралдаги 62-сон «Тиббий-ижтимоий экспертиза хизмати ташкилий тузилмасини ва фаолиятини ташкил этишга оид норматив-ҳуқуқий ҳужжатларни тасдиқлаш тўғрисида»ги қарорига мувофиқ Ўзбекистон Республикаси Соғлиқни сақлаш вазирлиги ва Камбағалликни қисқартириш ва бандлик вазирлиги **қарор қилади:**

1. Ўзбекистон Республикаси Соғлиқни сақлаш вазирлиги ва Меҳнат ва аҳолини ижтимоий муҳофаза қилиш вазирлигининг 2009 йил 13 августдаги 14, 51-ҚҚ-сон «16 ёшгача бўлган болаларни ногирон деб топиш ҳақида тиббий хулоса бериш тартиби тўғрисидаги низомни тасдиқлаш ҳақида»ги қарори (рўйхат рақами 2005, 2009 йил 15 сентябрь) (Ўзбекистон Республикаси қонун ҳужжатлари тўплами, 2009 й., 38-сон, 419-модда) ўз кучини йўқотган деб топилсин.

2. Мазкур қарор расмий эълон қилинган кундан эътиборан кучга киради.

Соғлиқни сақлаш вазири

А. ИНОЯТОВ

*Тошкент ш.,
2023 йил 21 сентябрь,
36-сон*

**Камбағалликни қисқартириш
ва бандлик вазири**

Б. МУСАЕВ

*Тошкент ш.,
2023 йил 7 сентябрь,
72/2023қ/қ-сон*

* Ушбу қарор «Қонунчилик маълумотлари миллий базаси»да 2023 йил 10 октябрда эълон қилинган.

ЎЗБЕКИСТОН РЕСПУБЛИКАСИ
РАҚОБАТНИ РИВОЖЛАНТИРИШ ВА ИСТЕЪМОЛЧИЛАР
ҲУҚУҚЛАРИНИ ҲИМОЯ ҚИЛИШ ҚЎМИТАСИНING
ҚАРОРИ

425 Табиий монополия субъектларининг давлат реестрини тузиш ва юритиш тартиби тўғрисидаги низомнинг 5-банди ўз кучини йўқотган деб топиш ҳақида*

*Ўзбекистон Республикаси Адлия вазирлиги томонидан 2023 йил
9 октябрда рўйхатдан ўтказилди, рўйхат рақами 2147-4*

Ўзбекистон Республикаси Президентининг 2023 йил 6 июлдаги ПФ–108-сон «Маъмурий ислохотлар доирасида рақобатни ривожлантириш ва истеъмолчилар ҳуқуқларини ҳимоя қилиш соҳасида давлат бошқарувини самарали ташкил қилиш чора-тадбирлари тўғрисида»ги Фармониغا мувофиқ Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси **қарор қилади:**

1. Ўзбекистон Республикаси Монополиядан чиқариш ва рақобатни ривожлантириш давлат қўмитасининг 2010 йил 6 октябрдаги 14-сон қарори (рўйхат рақами 2147, 2010 йил 11 октябрь) (Ўзбекистон Республикаси қонун ҳужжатлари тўплами, 2010 й., 40-41-сон, 357-модда) билан тасдиқланган Табиий монополия субъектларининг давлат реестрини тузиш ва юритиш тартиби тўғрисидаги низомнинг 5-банди ўз кучини йўқотган деб топилсин.

2. Мазкур қарор Ўзбекистон Республикаси Иқтисодиёт ва молия вазирлиги билан келишилган.

3. Мазкур қарор расмий эълон қилинган кундан эътиборан кучга киради.

Раис

Тошкент ш.,
2023 йил 20 сентябрь,
11/05-05/01-сон

Ш. ШАРАХМЕТОВ

Келишилди:

Иқтисодиёт ва молия вазири

2023 йил 20 сентябрь

Д. ҚУЧКАРОВ

* Ушбу қарор «Қонунчилик маълумотлари миллий базаси»да 2023 йил 10 октябрда эълон қилинган.

ЎЗБЕКИСТОН РЕСПУБЛИКАСИ
МАКТАБГАЧА ВА МАКТАБ ТАЪЛИМИ ВАЗИРЛИГИ
ЎЗБЕКИСТОН РЕСПУБЛИКАСИ
СОҒЛИҚНИ САҚЛАШ ВАЗИРЛИГИНИНГ
ҚАРОРИ

426 «Болалар соғломлаштириш оромгоҳлари тўғрисидаги низомни тасдиқлаш ҳақида»ги қарор, шунингдек, унга ўзгартиришларни ўз кучини йўқотган деб топиш тўғрисида*

*Ўзбекистон Республикаси Адлия вазирлиги томонидан 2023 йил
9 октябрда рўйхатдан ўтказилди, рўйхат рақами 2872-2*

Ўзбекистон Республикаси Вазирлар Маҳкамасининг 2023 йил 27 февралдаги 84-сон «Болаларнинг дам олишини ташкил этиш ва соғломлаштириш тизимини янада такомиллаштириш чора-тадбирлари тўғрисида»ги қарорига мувофиқ Ўзбекистон Республикаси Мактабгача ва мактаб таълими вазирлиги ва Соғлиқни сақлаш вазирлиги **қарор қилади:**

1. Қуйидагилар ўз кучини йўқотган деб топилсин:

Ўзбекистон Республикаси Халқ таълими вазирлиги, Соғлиқни сақлаш вазирлигининг 2017 йил 24 февралдаги 2-мх, 80-сон «Болалар соғломлаштириш оромгоҳлари тўғрисидаги низомни тасдиқлаш ҳақида»ги қарори (рўйхат рақами 2872, 2017 йил 31 март) (Ўзбекистон Республикаси қонун ҳужжатлари тўплами, 2017 й., 13-сон, 212-модда);

Ўзбекистон Республикаси Халқ таълими вазирлигининг 2021 йил 21 октябрдаги 29-мх-сон, Соғлиқни сақлаш вазирлигининг 2021 йил 11 октябрдаги 28-сон «Болалар соғломлаштириш оромгоҳлари тўғрисидаги низомга ўзгартиришлар киритиш тўғрисида»ги қарори (рўйхат рақами 2872-1, 2021 йил 11 ноябрь) (Қонунчилик маълумотлари миллий базаси, 11.11.2021 й., 10/21/2872-1/1040-сон).

2. Мазкур қарор Ўзбекистон Республикаси Ички ишлар вазирлиги, Иқтисодиёт ва молия вазирлиги, Маданият вазирлиги, Ёшлар сиёсати ва спорт вазирлиги, Олий таълим, фан ва инновациялар вазирлиги, Камбағалликни қисқартириш ва бандлик вазирлиги, Ўзбекистон касаба уюшмалари Федерацияси, Ўзбекистон фермер, деҳқон хўжаликлари ва томорқа ер эгалари кенгаши ҳамда Савдо-саноат палатаси билан келишилган.

3. Мазкур қарор расмий эълон қилинган кундан эътиборан кучга кирилади.

**Мактабгача ва мактаб
таълими вазири**

Х. УМАРОВА

Тошкент ш.,
2023 йил 23 сентябрь,
5-мх-сон

* Ушбу қарор «Қонунчилик маълумотлари миллий базаси»да 2023 йил 10 октябрда эълон қилинган.

Соғлиқни сақлаш вазири**А. ИНОЯТОВ**

Тошкент ш.,
2023 йил 22 сентябрь,
37-сон

Келишилди:

Ички ишлар вазири**П. БОБОЖОНОВ**

2023 йил 25 август

Иқтисодиёт ва молия вазири**Д. КУЧКАРОВ**

2023 йил 14 сентябрь

Маданият ва туризм вазири**О. НАЗАРБЕКОВ**

2023 йил 29 август

Ёшлар сиёсати ва спорт вазири**А. ИКРАМОВ**

2023 йил 28 август

**Олий таълим, фан ва
инновациялар вазири****И. АБДУРАҲМОНОВ**

2023 йил 29 август

**Камбағалликни қисқартириш ва
бандлик вазири****Б. МУСАЕВ**

2023 йил 7 сентябрь

**Ўзбекистон Касаба уюшмалари
Федерацияси раиси****К. РАФИКОВ**

2023 йил 5 сентябрь

**Ўзбекистон фермер, деҳқон хўжаликлари
ва томорқа ер эгалари кенгаши раиси** **А. ХАЙТОВ**

2023 йил 26 август

**Ўзбекистон Савдо-саноат
палатаси раиси****Д. ВАХАБОВ**

2023 йил 29 август

O‘ZBEKISTON RESPUBLIKASI
OLIY TA‘LIM, FAN VA INNOVATSIYALAR VAZIRINING
BUYRUG‘I

427 Akademik litseylar yo‘nalishlari va bloklariga qarab bir pedagog xodimga to‘g‘ri keladigan o‘quvchilar soni nisbatining normativlarini tasdiqlash to‘g‘risida*

*O‘zbekiston Respublikasi Adliya vazirligi tomonidan 2023-yil
9-oktabrda ro‘yxatdan o‘tkazildi, ro‘yxat raqami 3463*

O‘zbekiston Respublikasi Prezidentining 2020-yil 3-dekabrda PQ–4910-son “Iqtidorli yoshlarni saralab olish tizimi va akademik litseylar faoliyatini takomillashtirish chora-tadbirlari to‘g‘risida”gi qaroriga muvofiq **buyuraman:**

1. Akademik litseylar yo‘nalishlari va bloklariga qarab bir pedagog xodimga to‘g‘ri keladigan o‘quvchilar soni nisbatining normativlari ilovaga muvofiq tasdiqlansin.

2. O‘zbekiston Respublikasi oliy va o‘rta maxsus ta‘lim vazirining 2021-yil 21-aprelda 13-2021-son “Akademik litseylar yo‘nalishlari va bloklariga qarab bir pedagog xodimga to‘g‘ri keladigan o‘quvchilar soni nisbatining normativlarini tasdiqlash to‘g‘risida”gi buyrug‘i (ro‘yxat raqami 3304, 2021-yil 17-may) (Qonunchilik ma‘lumotlari milliy bazasi, 17.05.2021-y., 10/21/3304/0459-son) o‘z kuchini yo‘qotgan deb topilsin.

3. Ushbu buyruq O‘zbekiston Respublikasi Iqtisodiyot va moliya vazirligi bilan kelishilgan.

4. Mazkur buyruq rasmiy e‘lon qilingan kundan e‘tiboran kuchga kiradi.

Vazir

I. ABDURAHMONOV

Toshkent sh.,
2023-yil 14-sentabr,
413-son

Kelishildi:

Iqtisodiyot va moliya vaziri

D. KUCHKAROV

2023-yil 14-sentabr

* Ushbu qaror «Qonunchilik ma‘lumotlari milliy bazasi»da 2023-yil 10-oktabrda e‘lon qilingan.

O'zbekiston Respublikasi
oliy ta'lim, fan va innovatsiyalar vazirining
2023-yil 14-sentabrda 413-son buyrug'iga
ILOVA

**Akademik litseylar yo'nalishlari va bloklariga qarab bir pedagog
xodimga to'g'ri keladigan o'quvchilar soni nisbatining
NORMATIVLARI**

T/r	Ta'lim yo'nalishlari kodi	Ta'lim yo'nalishlari nomi	2023/2024 o'quv yilidan boshlab
1.	3910001	Aniq fanlar-1 (matematika, fizika)	10,0
2.	3910002	Aniq fanlar-2 (matematika, xorijiy til)	10,0
3.	3910003	Aniq fanlar-3 (matematika, rasm va chizmachilik)	10,0
4.	3910004	Aniq fanlar-4 (matematika, ona tili va adabiyot)	10,0
5.	3910005	Aniq fanlar-5 (matematika, geografiya)	10,0
6.	3920001	Tabiiy fanlar-1 (biologiya, kimyo)	10,0
7.	3920002	Tabiiy fanlar-2 (kimyo, matematika)	10,0
8.	3930001	Ijtimoiy-gumanitar fanlar-1 (ona tili va adabiyot, xorijiy til)	10,0
9.	3930002	Ijtimoiy-gumanitar fanlar-2 (tarix, xorijiy til)	10,0
10.	3930003	Ijtimoiy-gumanitar fanlar-3 (ona tili va adabiyot, biologiya)	10,0
11.	3930004	Ijtimoiy-gumanitar fanlar-4 (tarix, geografiya)	10,0
12.	3930005	Ijtimoiy-gumanitar fanlar-5 (huquqshunoslik, xorijiy til)	10,0
13.	3940001	Xorijiy tillar (xorijiy til, ona tili va adabiyot)	10,0

O'ZBEKISTON RESPUBLIKASI
DAVLAT AKTIVLARINI BOSHQARISH AGENTLIGI DIREKTORINING
BUYRUG'I

428 “O‘zbekiston Respublikasi Davlat aktivlarini boshqarish agentligi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomni tasdiqlash haqida”gi qaror, shuningdek unga o‘zgartirish va qo‘shimchalarni o‘z kuchini yo‘qotgan deb topish to‘g‘risida*

*O‘zbekiston Respublikasi Adliya vazirligi tomonidan 2023-yil
12-oktabrda ro‘yxatdan o‘tkazildi, ro‘yxat raqami 2152-6*

O‘zbekiston Respublikasi Vazirlar Mahkamasining 2023-yil 26-iyuldagi 312-son “Davlat aktivlarini samarali boshqarishni tashkil etishda baholovchi tashkilotlar xizmatlarining boshlang‘ich qiymatini aniqlash tartibi to‘g‘risidagi nizomni tasdiqlash haqida”gi qaroriga muvofiq **buyuraman:**

1. Ayrim idoraviy normativ-huquqiy hujjatlar ilovaga muvofiq o‘z kuchini yo‘qotgan deb topilsin.
2. Mazkur buyruq O‘zbekiston Respublikasi Iqtisodiyot va moliya vazirligi bilan kelishilgan.
3. Mazkur buyruq rasmiy e‘lon qilingan kundan e‘tiboran kuchga kiradi.

Direktor

A. ORTIKOV

Toshkent sh.,
2023-yil 5-oktabr,
01/13-13-12/833-son

Kelishildi:

Iqtisodiyot va moliya vaziri

D. KUCHKAROV

2023-yil 5-oktabr

* Ushbu qaror «Qonunchilik ma‘lumotlari milliy bazasi»da 2023-yil 14-oktabrda e‘lon qilingan.

O‘zbekiston Respublikasi
Davlat aktivlarini boshqarish agentligi
direktorining 2023-yil 5-oktabrdagi
01/13-13-12/833-son buyrug‘iga
ILOVA

**O‘z kuchini yo‘qotgan deb topilayotgan idoraviy
normativ-huquqiy hujjatlar
RO‘YXATI**

1. O‘zbekiston Respublikasi Davlat mulkini boshqarish davlat qo‘mitasining 2010-yil 12-oktabrdagi 01/11-18/08-son “O‘zbekiston Respublikasi Davlat aktivlarini boshqarish agentligi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomni tasdiqlash haqida” qarori (ro‘yxat raqami 2152, 2010-yil 10-noyabr) (O‘zbekiston Respublikasi qonun hujjatlari to‘plami, 2010-y., 44-45-son, 412-modda).

2. O‘zbekiston Respublikasi Davlat mulkini boshqarish davlat qo‘mitasining 2012-yil 17-fevraldagi 01/11-18/05-son “O‘zbekiston Respublikasi Davlat mulkini boshqarish davlat qo‘mitasi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomga o‘zgartirish va qo‘shimchalar kiritish haqida” qarori (ro‘yxat raqami 2152-1, 2012-yil 2-mart) (O‘zbekiston Respublikasi qonun hujjatlari to‘plami, 2012-y., 8-9-son, 97-modda).

3. O‘zbekiston Respublikasining Xususiyashtirish, monopoliyadan chiqarish va raqobatni rivojlantirish davlat qo‘mitasining 2013-yil 31-dekabrda 01/13-26/26-son “O‘zbekiston Respublikasi Davlat mulkini boshqarish davlat qo‘mitasi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomni tasdiqlash haqida”gi qarorga o‘zgartirishlar kiritish haqida” qarori (ro‘yxat raqami 2152-2, 2014-yil 13-yanvar) (O‘zbekiston Respublikasi qonun hujjatlari to‘plami, 2014-y., 3-son, 37-modda).

4. O‘zbekiston Respublikasi Xususiyashtirish, monopoliyadan chiqarish va raqobatni rivojlantirish davlat qo‘mitasining 2015-yil 24-iyundagi 01/13-26/16-son “O‘zbekiston Respublikasining Xususiyashtirish, monopoliyadan chiqarish va raqobatni rivojlantirish davlat qo‘mitasi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomni tasdiqlash haqida”gi qarorga o‘zgartirishlar kiritish haqida” qarori (ro‘yxat raqami 2152-3, 2015-yil 29-iyun) (O‘zbekiston Respublikasi qonun hujjatlari to‘plami, 2015-y., 26-son, 343-modda).

5. O‘zbekiston Respublikasi Xususiyashtirilgan korxonalariga ko‘maklashish va raqobatni rivojlantirish davlat qo‘mitasining 2017-yil 15-avgustdagi 01/11-10/20-son “O‘zbekiston Respublikasining Xususiyashtirish, monopoliyadan chiqarish va raqobatni rivojlantirish davlat qo‘mitasi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomni tasdiqlash haqida”gi qarorga

o'zgartirishlar kiritish to'g'risida" qarori (ro'yxat raqami 2152-4, 2017-yil 11-sentabr) (O'zbekiston Respublikasi qonun hujjatlari to'plami, 2017-y., 37-son, 1007-modda).

6. O'zbekiston Respublikasi Davlat aktivlarini boshqarish agentligining 2020-yil 30-iyundagi 01/11-16/06-son "O'zbekiston Respublikasining Xususiylashtirilgan korxonalariga ko'maklashish va raqobatni rivojlantirish davlat qo'mitasi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to'lash tartibi to'g'risidagi nizomni tasdiqlash haqida"gi qarorga o'zgartirishlar kiritish to'g'risida" buyrug'i (ro'yxat raqami 2152-5, 2020-yil 30-iyul) (Qonun hujjatlari ma'lumotlari milliy bazasi, 30.07.2020-y., 10/20/2152-5/1338-son).

ЎЗБЕКИСТОН РЕСПУБЛИКАСИ
ИҚТИСОДИЁТ ВА МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ
ИНВЕСТИЦИЯЛАР, САНОАТ ВА САВДО ВАЗИРЛИГИ
ЎЗБЕКИСТОН РЕСПУБЛИКАСИ
ҚИШЛОҚ ХЎЖАЛИГИ ВАЗИРЛИГИНИНГ
ҚАРОРИ

429 Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартиби тўғрисидаги низомга ўзгартиришлар киритиш ҳақида*

*Ўзбекистон Республикаси Адлия вазирлиги томонидан 2023 йил
12 октябрда рўйхатдан ўтказилди, рўйхат рақами 3212-1*

Ўзбекистон Республикаси Президентининг 2022 йил 21 декабрдаги ПФ–269-сон «Янги Ўзбекистон маъмурий ислохотларини амалга ошириш чора-тадбирлари тўғрисида»ги Фармонига мувофиқ Ўзбекистон Республикаси Иқтисодиёт ва молия вазирлиги, Инвестициялар, саноат ва савдо вазирлиги ҳамда Қишлоқ хўжалиги вазирлиги **қарор қилади:**

1. Ўзбекистон Республикаси Молия вазирлиги, Инвестициялар ва ташқи савдо вазирлиги ва Қишлоқ хўжалиги вазирлигининг 2019 йил 16 декабрдаги 110, ққ-5, 68-сон қарори (рўйхат рақами 3212, 2020 йил 17 январь) (Қонун ҳужжатлари маълумотлари миллий базаси, 17.01.2020 й., 10/20/3212/0068-сон) билан тасдиқланган Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартиби тўғрисидаги низомга иловага мувофиқ ўзгартиришлар киритилсин.

2. Мазкур қарор Ўзбекистон Савдо-саноат палатаси ва Ўзбекистон фермер, деҳқон хўжаликлари ва томорқа ер эгалари кенгаши билан келишилган.

* Ушбу қарор «Қонунчилик маълумотлари миллий базаси»да 2023 йил 14 октябрда эълон қилинган.

3. Мазкур қарор расмий эълон қилинган кундан эътиборан кучга киради.

Иқтисодиёт ва молия вазири**Д. КУЧКАРОВ**

Тошкент ш.,
2023 йил 7 октябрь,
77-сон

**Инвестициялар,
саноат ва савдо вазири****Л. КУДРАТОВ**

Тошкент ш.,
2023 йил 6 октябрь,
2023/40-9-сон

Қишлоқ хўжалиги вазири**А. ВОИТОВ**

Тошкент ш.,
2023 йил 5 октябрь,
01/23-05/5087-сон

Келишилди:

***Ўзбекистон Савдо-саноат
палатаси раиси*****Д. ВАХАБОВ**

2023 йил 19 сентябрь

***Ўзбекистон фермер, деҳқон хўжаликлари
ва томорқа ер эгалари кенгаши раиси*****А. ХАИТОВ**

2023 йил 13 сентябрь

Ўзбекистон Республикаси
Иқтисодиёт ва молия вазирлигининг
2023 йил 7 октябрдаги 77-сон, Инвестиция-
лар, саноат ва савдо вазирлигининг 2023 йил
6 октябрдаги 2023/40-9-сон, Қишлоқ хўжа-
лиги вазирлигининг 2023 йил 5 октябрдаги
01/23-05/5087-сон қарорига
ИЛОВА

**Мева-сабзавот маҳсулотлари экспортёрларининг қишлоқ
хўжалиги бирлашмалари аъзоларини мева-сабзавот
маҳсулотларини ишлаб чиқаришнинг янги технологияларига
ўргатиш, қишлоқ хўжалиги бирлашмалари аъзоларининг ерларида
агротехник тадбирлар мониторингини ўтказиш, қишлоқ хўжалиги
бирлашмалари аъзолари томонидан ишлаб чиқариладиган
мева-сабзавот маҳсулотларининг ташқи бозорларида маркетинг
тадқиқотларини ўтказиш билан боғлиқ харажатларининг
50 фоизини қоплаш учун субсидиялар тақдим этиш тартиби
тўғрисидаги низомга киритилаётган ўзгартиришлар**

1. 2-банддаги «Молия вазирлиги» ҳамда «Инвестициялар ва ташқи савдо вазирлиги» деган сўзлар тегишли равишда «Иқтисодиёт ва молия вазирлиги» ҳамда «Инвестициялар, саноат ва савдо вазирлиги» деган сўзлар билан алмаштирилсин.

2. 24-банддаги «Молия вазирлигига» деган сўзлар «Иқтисодиёт ва молия вазирлигига» деган сўзлар билан алмаштирилсин.

3. 25-банддаги «Молия вазирлиги» деган сўзлар «Иқтисодиёт ва молия вазирлиги» деган сўзлар билан алмаштирилсин.

4. 30-банддаги «Молия вазирлигининг Давлат молиявий назорати департаменти» деган сўзлар «Иқтисодиёт ва молия вазирлиги хузуридаги Давлат молиявий назорати инспекцияси» деган сўзлар билан алмаштирилсин.

5. 1-илованинг матнидаги «Ўзбекистон Республикаси Инвестициялар ва ташқи савдо вазирлиги» деган сўзлар «Ўзбекистон Республикаси Инвестициялар, саноат ва савдо вазирлиги» деган сўзлар билан алмаштирилсин.

6. 2-илова мазкур ўзгартиришларга иловага мувофиқ таҳрирда баён этилсин.

Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартиби тўғрисидаги низомга киритилаётган ўзгартиришларга
ИЛОВА

«Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартиби тўғрисидаги низомга
2-ИЛОВА

Экспортёрларнинг субсидиялар тақдим этиш бўйича аризасини кўриб чиқиш СХЕМАСИ

Босқичлар	Масъул ижрочилар	Тадбирлар	Бажариш муддатлари
1-босқич	Экспортёр	Ариза ва тегишли ҳужжатларни тайёрлаш ва Ўзбекистон Республикаси Инвестициялар, саноат ва савдо вазирлиги ҳузуридаги Экспортни рағбатлантириш агентлигига топшириш.	Манфаатдор субъект ихтиёрига кўра
2-босқич	Ўзбекистон Республикаси Инвестициялар, саноат ва савдо вазирлиги ҳузуридаги Экспортни рағбатлантириш агентлиги	<p>Ҳужжатлар почта алоқаси орқали ёки электрон шаклда, шу жумладан Ташқи иқтисодий маълумотлар портали орқали тўлиқ тақдим этилмаганда, уларни жавоб хати билан қайтариш;</p> <p>Экспортёр томонидан ҳужжатлар тўлиқ тақдим этилганда уларни кўриб чиқиш ва қарор қабул қилиш.</p>	<p>3 иш кuni мобайнида</p> <p>7 иш кuni мобайнида</p>

3-босқич	Ўзбекистон Республикаси Инвестициялар, саноат ва савдо вазирлиги ҳузуридаги Экспортни рағбатлантириш агентлиги	Экспортёрга қабул қилинган қарор тўғрисида билдиришнома юбориш; Ўзбекистон Республикаси Иқтисодиёт ва молия вазирлигига субсидия ажратиш бўйича буюртманома бериш.	Қарор қабул қилинган кундан бошлаб 1 иш куни мобайнида
4-босқич	Ўзбекистон Республикаси Иқтисодиёт ва молия вазирлиги	Ўзбекистон Республикаси Иқтисодиёт ва молия вазирлиги Ўзбекистон Республикаси Инвестициялар, саноат ва савдо вазирлиги ҳузуридаги Экспортни рағбатлантириш агентлиги буюртманомасига асосан давлат бюджетидан субсидия ажратиш.	Буюртманомани қабул қилган кундан бошлаб бир иш куни мобайнида
5-босқич	Ўзбекистон Республикаси Инвестициялар, саноат ва савдо вазирлиги ҳузуридаги Экспортни рағбатлантириш агентлиги	Тегишли тўлов суммасини экспортёрнинг аризасида кўрсатилган банк ҳисоб рақамига ўтказиб бериш.	Махсус ғазна ҳисобварағига маблағ келиб тушганидан бошлаб бир банк куни мобайнида

».

**Ўзбекистон Республикаси Адлия вазирлигининг
вазирликлар, давлат қўмиталари ва идораларнинг
норматив-ҳуқуқий ҳужжатларини давлат рўйхатидан
ўтказиш ҳолати тўғрисида
МАЪЛУМОТИ**

1. Давлат рўйхатидан ўтказилди:

1. O'zbekiston Respublikasi Transport vazirligining 2023-yil 6-sentabrdagi 23-son va Raqamli texnologiyalar vazirligining 2023-yil 5-sentabrdagi 255-mh-son "Temir yo'llarda pochta tashish va pochta vagonlaridan foydalanish qoidalarini tasdiqlash to'g'risida"gi qarori.

2023-yil 3-oktabrda ro'yxatdan o'tkazildi, ro'yxat raqami 3462.

2. O'zbekiston Respublikasi transport vazirining 2023-yil 27-sentabrdagi 25-son "O'zbekiston Respublikasi ichki kema yo'llarida suzish qoidalarini o'z kuchini yo'qotgan deb topish haqida"gi buyrug'i.

2023-yil 9-oktabrda ro'yxatdan o'tkazildi, ro'yxat raqami 769-1.

3. Ўзбекистон Республикаси Соғлиқни сақлаш вазирлигининг 2023 йил 21 сентябрдаги 36-сон ва Камбағалликни қисқартириш ва бандлик вазирлигининг 2023 йил 7 сентябрдаги 72/2023қ/қ-сон "16 ёшгача бўлган болаларни ногирон деб топиш ҳақида тиббий хулоса бериш тартиби тўғрисидаги низомни тасдиқлаш ҳақида"ги қарорни ўз кучини йўқотган деб топиш тўғрисида"ги қарори.

2023 йил 9 октябрда рўйхатдан ўтказилди, рўйхат рақами 2005-1.

4. Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2023 йил 20 сентябрдаги 11/05-05/01-сон "Табиий монополия субъектларининг давлат реестрини тузиш ва юритиш тартиби тўғрисидаги низомнинг 5-бандини ўз кучини йўқотган деб топиш ҳақида"ги қарори.

2023 йил 9 октябрда рўйхатдан ўтказилди, рўйхат рақами 2147-4.

5. Ўзбекистон Республикаси Мактабгача ва мактаб таълими вазирлигининг 2023 йил 23 сентябрдаги 5-мх-сон ва Соғлиқни сақлаш вазирлигининг 2023 йил 22 сентябрдаги 37-сон "Болалар соғломлаштириш оромгоҳлари тўғрисидаги низомни тасдиқлаш ҳақида"ги қарор, шунингдек, унга ўзгартиришларни ўз кучини йўқотган деб топиш тўғрисида"ги қарори.

2023 йил 9 октябрда рўйхатдан ўтказилди, рўйхат рақами 2872-2.

6. O'zbekiston Respublikasi oliy ta'lim, fan va innovatsiyalar vazirining

2023-йил 14-сентябрдаги 413-сон “Академик литсейлар yo‘nalishlari va bloklariga qarab bir pedagog xodimga to‘g‘ri keladigan o‘quvchilar soni nisbatining normativlarini tasdiqlash to‘g‘risida”gi buyrug‘i.

2023-йил 9-oktabrda ro‘yxatdan o‘tkazildi, ro‘yxat raqami 3463.

7. O‘zbekiston Respublikasi Davlat aktivlarini boshqarish agentligi direktorining 2023-йил 5-oktabrdagi 01/13-13-12/833-сон “O‘zbekiston Respublikasi Davlat aktivlarini boshqarish agentligi buyurtmalariga asosan baholash obyektlarini baholashda baholovchi tashkilotlar xizmatlarining qiymatini aniqlash va to‘lash tartibi to‘g‘risidagi nizomni tasdiqlash haqida”gi qaror, shuningdek unga o‘zgartirish va qo‘shimchalarni o‘z kuchini yo‘qotgan deb topish to‘g‘risida”gi buyrug‘i.

2023-йил 12-oktabrda ro‘yxatdan o‘tkazildi, ro‘yxat raqami 2152-6.

8. Ўзбекистон Республикаси Иқтисодиёт ва молия вазирлигининг 2023 йил 7 октябрдаги 77-сон, Инвестициялар, саноат ва савдо вазирлигининг 2023 йил 6 октябрдаги 2023/40-9-сон, Қишлоқ хўжалиги вазирлигининг 2023 йил 5 октябрдаги 01/23-05/5087-сон “Мева-сабзавот маҳсулотлари экспортёрларининг қишлоқ хўжалиги бирлашмалари аъзоларини мева-сабзавот маҳсулотларини ишлаб чиқаришнинг янги технологияларига ўргатиш, қишлоқ хўжалиги бирлашмалари аъзоларининг ерларида агротехник тадбирлар мониторингини ўтказиш, қишлоқ хўжалиги бирлашмалари аъзолари томонидан ишлаб чиқариладиган мева-сабзавот маҳсулотларининг ташқи бозорларида маркетинг тадқиқотларини ўтказиш билан боғлиқ харажатларининг 50 фоизини қоплаш учун субсидиялар тақдим этиш тартиби тўғрисидаги низомга ўзгартиришлар киритиш ҳақида”ги қарори.

2023 йил 12 октябрда рўйхатдан ўтказилди, рўйхат рақами 3212-1.

II. Давлат реестридан чиқарилди:

1. Ўзбекистон автомобиль ва дарё транспорти агентлигининг бошлиғи томонидан 1999 йил 9 июлда тасдиқланган Ўзбекистон Республикаси ички кема йўлларида сузиш қоидалари (рўйхат рақами 769, 1999 йил 9 июль).

2023 йил 9 октябрда давлат реестридан чиқарилди.

2. Ўзбекистон Республикаси Соғлиқни сақлаш вазирлиги ва Меҳнат ва аҳолини ижтимоий муҳофаза қилиш вазирлигининг 2009 йил 13 августдаги 14, 51-ҚҚ-сон «16 ёшгача бўлган болаларни ногирон деб топиш ҳақида тиббий хулоса бериш тартиби тўғрисидаги низомни тасдиқлаш ҳақида»ги қарори (рўйхат рақами 2005, 2009 йил 15 сентябрь).

2023 йил 9 октябрда давлат реестридан чиқарилди.

3. Ўзбекистон Республикаси Халқ таълими вазирлиги, Соғлиқни сақлаш вазирлигининг 2017 йил 24 февралдаги 2-мх, 80-сон «Болалар соғломлаштириш оромгоҳлари тўғрисидаги низомни тасдиқлаш ҳақида»ги қарори (рўйхат рақами 2872, 2017 йил 31 март), шунингдек унга ўзгартиришлар (рўйхат рақами 2872-1, 2021 йил 11 ноябрь).

2023 йил 9 октябрда давлат реесридан чиқарилди.

4. Ўзбекистон Республикаси Давлат мулкани бошқариш давлат қўмитасининг 2010 йил 12 октябрдаги 01/11-18/08-сон «Ўзбекистон Республикаси Давлат активларини бошқариш агентлиги буюртмаларига асосан баҳолаш объектларини баҳолашда баҳоловчи ташкилотлар хизматларининг қийматини аниқлаш ва тўлаш тартиби тўғрисидаги низомни тасдиқлаш ҳақида» қарори (рўйхат рақами 2152, 2010 йил 10 ноябрь), шунингдек унга ўзгартиришлар ва қўшимчалар (рўйхат рақами 2152-1, 2012 йил 2 март), (рўйхат рақами 2152-2, 2014 йил 13 январь), (рўйхат рақами 2152-3, 2015 йил 29 июнь), (рўйхат рақами 2152-4, 2017 йил 11 сентябрь), (рўйхат рақами 2152-5, 2020 йил 30 июль).

2023 йил 12 октябрда давлат реесридан чиқарилди.

Мазкур ҳужжатлар қонунчиликка ўзгартириш киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реесридан чиқарилди.